


書

六

洪武三年至六年



六

國權

庚戌洪武三年

夏開歷五年

鹽官談遷孺木著

正月卯朔

上受朝賀宴群臣奉天殿

置鞏昌平涼二衛平涼衛指揮秦虎率五千人屯田

西鳳平涼間

癸巳命徐達為征討大將軍浙江行省平章李文忠都督馮

勝為左右副將軍御史大夫鄧愈湯和為左右副將軍

征沙漠諸將請直偪元主上曰王保保世擴廓帖木兒家方

寇邊舍而遠圖也非計其分二道大將軍自潼關出西安檮

定西取王保保左右副將軍出居庸入沙漠追元主母復留
塞外上武冠御午門授節鉞大將軍出勒所部建牙鳴鼓
角鼓吹先驅百官以次出送

駙馬都尉王恭為福建行省參政

甲午各按察司官來朝

募萊州水土航海餉永平衛

命中外風憲官與屬官禮視品級御史按察僉事行部拜部
守郡守有罪得按治之
來晏土知府岑漢忠招諭定遠等縣遣賜文綺工尊

定王府官制左右相左右傅各一參軍一錄事二紀善一
上出黃金一錠示近臣曰此表箴袂盤龍金令宮人滌鑿得
之又出雜綺絲片縫如毯曰此製衣所遺用緝為被
禮部定朝日春分夕月秋分星辰祔於月從之

庚子遣使祀安南高麗占城山川

中書右丞王溥省墓

賜右丞楊憲名畢叅政陳亮名寧

置通州蔚州衛

壬寅吏部奏庶官有罪徙儋崖 工曰儋崖之民何譴焉更

當擇長吏教導之

薛應旂曰嘗歷西北邊徼見郡縣長佐往往以人品凡庸及胥吏雜流為之土地瘠薄生理蕭條而此輩多逐鉛刀之利民不聊生欲稍為振起彷徨四顧並無可委之人乃知聖祖之鴻謀遠慮不遺遐遠而凡為吏部當深思而重之也

癸卯元擴郭帖木兒屯安定縣之西巉恣掠

甲辰太常司定太廟朔望薦新及獻新禮

丁未享太廟

庚戌湖廣辰州湖耳洞長官楊秀榮潭溪長官石文煥新化

長官歐陽萬平江蠻夷長官楊昆明歐陽寨長官楊再仲各

入貢賜冠服仍立潭溪湖耳新化歐陽古州及一萬亮寨蠻

夷軍民長官司

辛亥太常司卿胡惟庸為中書省參知政事起居注魏觀為

太常司卿

壬子合肥衛改廬州守禦千戶所

癸丑故都督張德勝子宣嗣職初宣幼養子同嗣至是同更

氏汪興祖

丁巳命戶部主事李亨急傳賑西安鳳翔饑民戶粟一石凡
三萬六千石百二十九石
滕德懋為兵部尚書

刑部尚書鄒陽周須入官輒責胥史請惠州府經歷

置大同左右二衛永平衛

沂邳山民作亂參政陸聚討平之

二朝酉朔立神帛制勅局

壬戌上行後苑見巢鵲外翼之勞喟然而歎命群臣親老

許歸養元鎮撫陳興俘至言母在嵩州旬餘求放歸贖之

甲子享先農

上合祀太歲月將風雲雷雨岳鎮海瀆山川城隍旗纛神諸
寺署名

製四方平定巾頒天下

己丑詔續元史儒士歐陽佑等上所採故元元統後遺事於

是翰林學士宋濂待制王禕總裁官儒士趙璜朱右貝瓊朱

世濂王彛張孟兼高遜志李懋李汶張宣張簡杜寅殷弼俞

同纂脩馬時徵天台徐一夔不至

丙寅中書省劾中夏惟武為戶部侍郎

己巳大河衝火

指揮曹興才為山西行省叅政兼太原衛立太原左右衛

庚午召江南富民赴闕 上諭數千言刻布之曰教民榜

初元富室多武斷凌民故 上召諭之

開封倉糧三萬六千餘石虧支二百五十石 上以耗折不

問

上問禮部尚書崔亮百官朝參分左右何也曰朝參避君上

升降俱卯陞朝左右列避 馳道 上命省府臺官拜謁從肩

道

癸酉命郊祀陳戶口賦籍於臺下祀訖藏內府

甲戌故聲慶府經歷裴源奉檄植新興山賊死之贈晉二秩

罷太倉黃渡市舶司

丙子 上朝日於東郊

丁丑 皇子禮生

癸未故元帥郭子興追封滁陽王立廟滁州

乙酉指揮金朝興克東勝州

丁亥長淮泰州衛軍於淮安覆米二百七十餘石劾議償

上以風故貸之

置留守衛

戎子詔曰朕惟六部繁重在位未盡得人豈用才未廣與抑賢智抗志甘岩穴與詔下有司悉心推訪禮遣之

是月左副將軍李文忠兵下興和進次察罕腦兒擒元平章

竹貞

命省部同太史令劉基攷古朝服公服之制

三廟寅朔程昭為工部侍郎

詔曰朕即位以來思同民樂奈守將新成邊陲大將率師吐蕃轉運未已所在郡邑供給有後先豐歛有彼此雖嘗蠲免

猶思凋弊未蘓應天鎮江太平寧國廣德滁和給我軍士渡江之初至於平定朕無時忘之徽嚴金櫛處廣信池饒廬以次歸附供給亦勞河南北平民久苦兵山東河南壤相接亦宜培養庶得相率為生其皆免今年夏稅秋糧

壬辰清明享太廟侑常遇春

丙申給朝臣袍帶二千八百十有三人章服准原授散官如唐制不計見秩

丁酉鄭州知州蘓琦工三事曰屯田積粟一選重臣分鎮統制諸蕃曰招流携復業實中原上善之

知府左安善為刑部侍郎

戊戌免徐邛夏稅

己亥裁慶州慶元縣

庚子置秘書監

壬寅兵部尚書滕德懋改戶部秦廷程進為戶部左右侍郎

尋遷廷殿中侍御史

丙午賜京官絹帛有差

江西行省叅政何真改山東

班駟馬都尉於百官上

戊申吏部侍郎李廷桂為戶部尚書李迪李仁為吏部侍郎

劉貞為兵部侍郎朱守仁為工部侍郎

戶部尚書杭琪坐事謫陝州知州

庚戌虎賁衛指揮潘毅卒遣祭賜塋臨濠贈鎮國工將軍僉

大都督府護軍進封滎陽伯謚武肅

辛亥置南寧柳州二衛改慶遠撫安司為慶遠府

壬子都督同知汪興祖克武州朔州

甲寅改諸王冊寶制及冊封禮

丙辰置靖州衛

丁巳元國子祭酒孔克堅卒孔子五十五世孫克堅入朝
工客禮之還卒下邳舟中卒年五十五

立昭旣楊王神道碑翰林學士宋濂撰歲再祭

戊午徐達兵至定西擴廓退也道峴達進次沈見峪築壘偏

之時日中頻有黑子太史令劉基曰王保保雖可取亦未可

輕也 上勅達曰術者言西征有水警昔唐裴行儉屯兵平

川暮徙高阜人不之解其夜水溢丈餘幸亡恙將軍慎之

是月遣萊州同知趙秩詔諭日本國王良懷

六安州人胡永興潘文友作亂殺判官朱謨掠英山知州陳

銘善子真擊敗之尋平

置察言司受四方章奏王文御為察言司令

省博平清平夏津朝城觀城范館陶縣

四月未朔諸王冊寶成

癸亥夜有大星青赤色自下台北流文昌

甲子詔蒙古色目人等朕皆許入仕比聞多更姓易名以就

中國朕慮其子孫久而昧厥初非古聖王審本始別婚姻之

意中書省告諭之更者皆聽改

乙丑詔封 皇子 樸 秦王 櫛 晉王 棟 燕王 禩 吳王 禕 楚王 禔

齊王梓潭王祀趙王禮魯王從孫守謙靖江王皆授丹賢齊
潭趙魯俱幼保傳護之趨拜

陳子龍曰諸王皆親高帝子或從帝定天下無不有

帝制心雖跨州連邑與不侔而厚擁貨財盛設兵衛縱橫

之資具矣莫不以天族遠迤龍章縉紛護衛皆騰健之徒

官屬有精采之士庶子子侯尚王支郡上公丞相拜伏下

厚儼然一國主焉至於建文君之時緣歸太平隙開諸

叔晁錯之謀益急田叔之久無聞傳以裨將幽之請室

文皇帝積不堪之心藉可乘之業奮兵北平奄有天物嗣

是而後虛禮攸崇昔權益脫夫既以此而得國即以此而

疑人人情不其然與故漢踵燕山之跡寧乘國統之虛而

山東輿觀江表焚舟良由勢弱形廢所憑非勝也

丙寅置大宗正院正一品

鄭九成為秦府左相汪河為晉左相各兼陝西山西行省參

政

頒封王詔於安南高麗

徐達師出鞏昌之安定縣次沈兒峪與擴廓帖木兒隔深溝

而壘日數戰敵千騎間下東山潛劫東南壘、驚左丞胡德

濟不能軍，遂乃引擊之。遂斬東南壘，將趙指揮等，數人以徇。明日，諸將悉力戰，大敗之。擒元帥王文濟、王及國公、關思孝、韓札兒、虎林赤等，官千八百六十五人，吏卒八萬四千五百餘人，馬萬五千二百八十一匹，橐駝、驢、牛、羊、雜畜，稱是。擴廓從宣城與其妻子，數人得浮槎以濟，遂奔和林。械德濟於京師。都督郭英追擴廓，至寧夏不及而還。然保先驅掠人高及師所誅，皆過當。河南遂望而平涼。復為內地。戊辰，秦王樸等謁謝太廟。夜，大星青白色，自天市垣北流散，為三沒於虛宿。

己巳，釋元平章火兒忽答右丞哈海等北歸。昭元主書曰：「前再遣使致書，久不還，豈尚以往昔君民之分，謂不當通問耶？君者天下之義主，何常之有？顧人心天命何如耳。今日之事，非予所欲，亦天命非人力也。君其奉天順人，遣使通好，庶幾收近塞以延其采祀，若殘兵出沒為邊民患，將悔之無及。」壬申，安南使臣杜舜欽上言：「陳日燈卒，請命。」癸酉，上素服，御西華門，見杜舜欽等，遣翰林編脩王彞往祭，醴五十金，絹五匹，命考功主事林唐臣封日燈。安南國王又命彞祭漢狄波將軍馬，援於橫州。

危素為翰林侍讀學士

甲戌夜月食

丁丑徽州衛改守禦千戶所

置蘭州衛

戊寅勅徐達增戍甘肅所俘部曲令徙代蜀一平即留戍之

庚辰立弘文館胡鉉為學士劉基危素王本中睢稼皆兼學士

己酉勅徐達曰朕命將出師悉由節制將軍備知之浙江左

丞胡德濟從征定西壘中驚擾將軍不軍法從事械送京師

欲效衛青不斬蘓建獨不見穰苴之待莊賈乎將軍誅之則

已不誅吾且念其信州諸暨功不得不曲赦以伸吾私今後

將軍毋事姑息

丙戌元主妥懽帖睦爾殂於應昌年五十一太子愛猷識里

達臘嗣上謚惠宗皇帝太尉完者使觀音奴奉梓宮北塋

子慎行曰元明宗出適雲南去居沙漠有子二人長順帝

次寧宗考之正史元之北鄙有蘭兒^斯部落來降封為郡王

明宗居沙漠納其裔孫罕及魯氏名曰邁來的生妥懽帖

睦爾即順帝也至順初徙之高麗使居大青島中尋詔天

下言明宗在日素謂非其子移於廣西靖江至寧宗崩乃

入承大統生十三年矣其記瀛國公入元與金太后俱為僧尼賜田五百頃至正十二年河南盜起引亡宋故號以為口實乃安置瀛國公之子和尚趙完普於沙州蓋德祐父子俱為僧也順帝始末及瀛國踪跡在史如此而小說所記合尊生子事以為明宗在沙漠帝是以前馬為僧延明宗飲是日生子明宗乞養之即順帝也豈以明宗納斯蘭之裔而宋帝又嘗為僧遂附會而成與然自謂非其子則國史所傳亦必有說矣天道好還假趙氏之胤以亡胡元亦真報之所有者其跡曖昧國史所宜闕也

談遷曰終元之曆殆百餘年其省禁近非瀚海貴臣則柳林右族也釋劍而脩仁義彎弧而享神祇下至庶民君幹難之牧猶蓄上都之甲未減而刑威日替方谷珍韓林兒其人最微末不足污三尺遂盪裂而莫之支者何也人主宰割富內偶諉其柄賴股肱大臣同心一力今伯顏擅於前李羅悖於後台衡紊度盜賊徧於天下將星未殞賜以杜郵之劍由沃不徙臨以鼻落之師又察罕無祿擴廓重謫欲以圖存長治計之臣也自來亡主多有才藝以佐其荒淫不軌不物自底於喪敗然覆國陪氏何代幾有子嬰

銜璧孫皓與櫬幽蘭之灰崖門之溺言之愴入帝獨竄免
不其幸子或曰彼實有與德出自宋裔神明之後厥罰未
酷雖其說未有明據安知蒼之表不速其亂而寬其譴
也

丁亥李思孟為大都督府參議

是月湖廣慈利縣土酋覃堂作亂平章楊璟討之勅擊賊遠

去毋窮追輕動

置磨勘司太子伴讀高暉為司令

立龍江左衛罷常州衛

五朔丑朔徐達遣左副副將軍鄧愈招諭吐蕃自將取興元

寧國衛指揮僉事陳德成西征戰死岷州賜祭塋贈指揮副

使廕子千戶

辛卯遣翰林編脩蔡雲侍儀舍人李震亨陳敏于謙等訪歷

代帝王陵廟

壬辰給北征軍草履十四萬八千餘人

翰林侍讀學士古田張以寧還自安南道卒以寧元泰定丁

卯進士歷侍讀學士入明官如故臨沒詩覆身惟有驗曼被

岳橐都無陸賈金所著翠屏集行世
談遷曰嘗見野史錄名臣及張學士以寧心竊非之
以寧起家光州判官尹六合又教授淮陰入為國子助教
翰林食元祿四十餘年其大文留孫禮部尚書又一清參知政事沐其世恩在明餘僅歲餘耳等語於危素雖使節且南無足論也

癸巳諭中書省曰臣今人書札多稱頓首百拜再拜殊不誠
小人取名字往、犯先聖賢或國號禮部定書式示四方所
犯名字禁之

甲午復置司農司於河南領墾田卿一少卿二丞四

乙未冊貴妃孫氏克妃胡氏惠妃郭氏寧妃郭氏定妃連氏
順妃胡氏

嚴宮政 皇后不外預宮費奏自尚宮內使監覆之始支部
否則論死或出私札罪如之宮人疾言其狀微藥群臣命婦
朔望慶賀止朝中宮餘母入

丁酉遣告諸王國內山川

詔守令詢舉學識篤行之士禮送京師

左副將軍李文忠左丞趙庸敗元太尉蠻子平章沙不丁朶

兒只剌於白海子之駱駝山進開平降平章上都罕等

都督孫興祖及燕山右衛指揮平定大興右_左衛指揮龐禮至

三不利川值上戰敗死之興祖濠人贈行省左丞追封燕山

侯謚忠愍孫虎贈大都督府僉事追封廣安郡伯_{開國功臣}

浪_{郡伯}追封樂_{郡伯}

己亥始開科舉詔曰成周取材貢士漢唐及宋各有定制前

元依古設科待士甚優其後權豪勢要引納奔脫所得資品或高於舉人士耻與並進甘隱不起朕統一中夏建官維賢自今年八月始特設科舉之制士經明行脩博古通今名實相稱者朕將親策於廷使中外文武皆由是選非是母得出身因許高麗毋南占城諸國以鄉貢赴試於京師

辛丑李文忠趨應昌距百餘里知元主殂兼程進

癸卯復值元兵大敗之追至應昌圍其城

甲辰克應昌獲元嫡孫買的里八剌及后妃宮女暨官屬將校等駝馬牛羊七萬得歷代金玉璽寶圭冊瑛斧元嗣主與

數十騎遁文忠自率精騎追之至班慶州見角觶而還過興州降元將江文清等三萬六千九百餘人至紅羅山又降楊思祖等萬六千餘人班師

談遷曰禮不伐喪侯君集征高昌聞其喪引師而還元帝雖失國寄主沙漠無祿即世不過十五日彼儼然衰經之中副將軍倘懸軍百里外遣介使相唁兼告之曰本奉命逐北宜薄城下聞嗣君未輟哭仁人之所隱也然不能以虛返進退惟命彼窮喪氣有即遁耳如其不然鼓行而前疇為禦之副將軍功在旦夕惜無以侯君集之事語之

者

乙巳作南北郊齋宮

丁未行大射禮頒天下官吏學校

己酉蘭州衛指揮使張溫為大都督府僉事

辛亥改歷代服色夏尚黑商尚白周尚赤秦尚黑漢尚赤唐

服飾尚黃旂幟尚赤宋尚赤今於赤為宜從之

徐達與都督馮勝參政傅友德左丞李思齊自徽州南出略

陽擒元平章蔡琳遂入沔州又金興旺張龍自鳳翔入連雲

棧合攻興元降守將劉思忠金度祥達還西安

左副副將軍鄧愈自臨洮進克河州招諭吐蕃

罷祀壽星司中司命司民司祿

夜有大星自文昌東流天無波

癸丑增祀風雲雷雨於南郊天下山川於北郊

元江南儒學提舉楊維禎卒維禎諸暨人文詞雄富為南士

稱首上徵至引疾去年七十五著書數百卷

甲寅增太廟各帝后幣二

湖廣行省平章楊璟攻覃屋不下請兵餉初攻覃屋寨賊下

戰敗之寨險峻繞一人不可上雖再敗之賊詐降誘報我將

黃永謙上讓之命衆政戴德往仍撫慈利諸人如違制并
治爾潞州失利之罪

丙辰免蘓州逋租三十萬五千八百餘石初戶部欲罪其有
司上以罪有司必虐民於是蠲之

山西蔚州定安縣大雨雹傷稼

丁巳上念初時都先鋒府及各元帥都尉等官多物故或
無子存恤其家

復諭元將納哈出書曰天下已定高麗稱藩於是盧龍登萊
之師欲造遠左朕聞爾總其衆不忍重擾前使往不得要領

豈遠地遠我不能至與抑人謀不決與不然謂曩日來歸朕
不能虛懷耶何相忘之深也昔竇融以河西歸漢功右諸將
朕獨不為遠東故人留意子哲人知幾毋貽後悔

寶雞縣進瑞麥上曰日者鳳翔饑遣賑不數月獻瑞麥夫
民未粒食雖瑞麥何益第歲豐人給風俗淳美其瑞多矣麥
何異焉

六朔午朔上禱雨山川壇素服草履步往露坐晝曝夜卧地
皇后與諸妃執爨為農家食雜麻麥菽粟太子諸王躬
饋於齋所三日庚申還宮齋宿廡下

辛酉出紗絲萬四千匹給將校例外給軍士薪米令法司決
獄下有司訪求天下儒術深明治道者

壬戌大雨

癸亥詔曰朕考嶽鎮海瀆之封起自唐世崇名美號歷代彌
隆夫是皆高山廣水自天地開闢至今英靈之氣萃而為神
必皆受命上帝幽微莫測豈國家封號可加忠臣烈士可以
加矣亦唯當時為宜夫禮明神人正名分者也今依古定制
皆以其神稱府州縣城隍第稱其府州縣城隍之神歷代忠
臣烈士如其當時名爵後世稱謚皆與革去惟孔子如舊天

下神祠不應祀典者有司毋祭

命僧克新等往西域招諭吐蕃仍圖其所歷山川險要

大都督府僉事華雲龍為都督同知兼燕府左相

甲子定朝儀其殿廷失儀殿中侍御史糾之大都會失儀監
察御史糾之

禁淫祠制曰古者天子祭天地諸侯祭山川大夫士庶各有
所宜普天之下民庶繁多人人祈天瀆僭莫甚民間合祭之
神禮部定擬之祭先祖歲除祀竈春秋祈土穀之神
定五等勳爵

丙寅追封故姊太原長公主隴西長公主
戊辰廣西衛指揮使蔡僊為廣西行省參政

庚午司天監改欽天監

徵江南富民詣闕既至親諭以生人處世治家持身之道恐
其言久易忘刻賜之翰林官宋濂詹同王禕起居注陳敬奏
事畢賜坐曰卿等知朕訓民意乎禕曰三代下人主知政不
知教自古帝王身兼君師

陛下訓民天下師也

壬申左副將軍李文忠應昌捷至群臣稱賀上謂侍御史
劉炳曰若元臣毋賀因榜禮部凡北捷故元臣不得賀又以

元主達變謚曰順帝

談遷曰命故元臣毋賀於以砥節至嚴也諸君子舍彼介

鱗依光日月方濯磨自効而竟以首陽風之不捫心自媿

予總管府判劉基翰林國史院編脩宋濂俱食元祿為開
國第一流當日何以處之或所榜專大都降臣耶然不官
論崇卑以一命而諱之恐賢者不自匿也

置惠民藥局

癸酉中書省榜應昌之捷上曰元雖夷狄君夏百年朕與
卿等父母皆賴生養天訖其終於朕何與捷音誇紙非所以

示四方速改之

元孫買的里八剌等及冊寶至京師省臣楊憲議獻俘
曰冊寶貯庫不必進武王克殷亦俘之子憲曰遠不能知唐
太宗行之矣上曰以待王世克恐不加隋氏元之德及朕
先人未可俘也令胡服朝奉天殿昇賜漢衣冠母妃朝中宮
亦如之母陞見

福州地震

安南國王陳日熉遣院兼莫季在入謝兼道卒歸其喪

乙亥買的里八剌入朝賜第龍光山封崇禮侯居食適其土

之故

丙子都督同知汪興祖與指揮常守道出大同北擊元將速
哥帖木兒等大敗之

丁丑詔曰庚申之君不能有元天也其始首禍之徒欲為王
霸卒皆滅亡亦天也朕時年二十有四盤桓求生而已不謂
遂有天下維元遺孽時犯邊境勞我師旅今年五月十有五
日左副將軍李文忠兵至應昌庚申君已殂獲其孀孫以禮
送至中書省臣請俘朕心不忍朕本凡民天下之亂實非朕
致今定四海與之休息亦非朕能皆天也於戲君舟民水載

覆不常敢不畏哉仍遣諭安南高麗占城元主庚申生

詔諭元宗室却落臣民曰朕即位初遣使臨諭四夷咸奉職
納貢惟漠北以庚申君故未及今祿位已終爾諸部酋長依
職奉貢當給印還領所部毋為寇朕視華夷之間凡孽畜從
便地收養違者且舉兵加誅毋執迷貽悔其塞下因元喪亂
征徭繁重供億勞苦朕甚閔焉詔至悉安所居毋驚擾廢耕

牧

濟南知府陳脩及司農官言北土荒蕪招鄉民墾十五畝給
二畝蔬之皆免科三年其馬驛巡檢司急遞鋪役人各墾田

給牛種從之

戊寅詔諭雲南一蕃西域西洋瑣里瓜哇畏吾兒等國
溧水大雨水壞民舍命賑之

命郡縣立城隍廟

嵩縣典史劉秩滿入京上見其敝衣果廡謹賜布帛

庚辰中書右丞相汪廣洋罷侍御史劉炳望楊憲皆誣其不
孝

遣塋宋理宗顱骨於紹興永穆陵初侍講學士危素言元世
祖毀宋陵截理宗顱骨為西僧飲器上購得之瘞城南至

是閱永穆陵圖勅莖

鳳翔衛指揮全興旺為大都督府僉事仍守興元秦府左相
耿炳文兼陝西行省右丞都督僉事郭子興為秦府 傳仍
兼陝西行都督府僉事都督同知汪興祖為晉府 傳兼山
西行都督府同知 傳謝德成為大都督僉事張溫兼陝西

行都督府僉事

故元四大王走太原靜樂岢嵐山中至是糾眾侵武州太原
衛指揮桑柱鄭亨擊走之獲其兄脫火的帖木兒
辛巳令民立義塚

山西行省言大同艱運請募商輸大同粟一石輸太原粟一
石三斗給淮引鹽二百斤從之

徙蘓松杭嘉湖富人四千餘戶佃臨濠

改應天知府曰戶

壬午宜興衛改守禦千戶所

秦府左相陝西行省右丞耿炳文署行都督府事

癸未增廣國子生擇文行之士充學官

乙酉改興元府曰漢中

置親軍都尉府及儀鸞司

惠安入陳同作亂屢敗官兵至是駙馬都尉王恭擊斬之
灤州大水延及雨雹傷稼俱免田租

是月倭寇山東浙福沿海被其患福州衛軍大敗之擒三百
餘人

故元陝西行省土蕃宣慰使何鎖南普等鎮西武靖王卜納
刺並降於鄧愈

七月亥朔續脩元史成五十三卷纂脩儒士趙堦朱允朱濂乞
歸

辛卯議建諸王邸秦王西安晉王太原燕王北平楚王武昌

齊王青州潭王潭州

壬辰置水軍等二十四衛各五十艘軍三百五十八

立亭午門外凡政事可式及詔令善者勒於石

乙未翰林學士宋濂待制王禕坐失朝降編脩

寶源局火

丙申太常卿魏觀為翰林侍讀學士唐肅為翰林應奉

置忙忽軍民千戶所隸綏 衛時故元叅政脫火赤等降授

副千戶

丁酉禮部主事王肅為侍郎

置軍儲倉

己亥殿中侍御史秦迺為廣西按察使監察御史王子啟胡
子祺為僉事諭曰須取吏嚴明待民寬裕又曰毋責近效但
安靜俟之

定功臣守墓人戶

定朔望御殿百官朝服禮

夜有大星自雲中流東北有光四尺餘

壬寅給朝臣朝服公服

上海縣大風有物蔽空墮沙岡林彥英家俱楮幣

甲辰夏明昇進楠木

乙巳太常少卿陳昧為太常卿

吏部尚書黃岡吳琳致仕琳初授國子博士至今官予告村

居上嘗遣使覘之見老人力田私問吳尚書安在對曰身

是也使者以聞

陳善曰富貴亦何常朝而簪紱莫而未報可也今世士大

夫好以等威自尊即無深衣里社者况力田乎如吳公志

其幽貴蓋於老農雖行非中庸其去豪侈者遠矣

周聖楷曰人臣潔身事主而蹈危機者非盡其世之不淑

也或快意當前足止念少或功高舉重歛退未能右之覆
轍往一然矣吳公起自布衣屢登樞要獨能隱顯一致生
化木天視夔門之旅櫬斯為優矣

天下學識篤行之士應詔送至尚書考最得十八人相廬魏
潛王訥河西李顏永豐丁節永嘉許士宏萬安夏贊樂清李
時行衛輝陳士舉龍泉劉谷趙暉合肥夏起瑞安馬漢分宜
劉沂平陽孔希普永新歐陽子韶泰和王子啟安福歐陽楚
芳廬陵胡伯清吉水胡子祺是日太史奏文星見上曰此
唐太宗一代之選朕得之一日皆拜監察御史胡子祺首奏

天下勝地可都者四河東高厚控制西北然其地苦寒士卒
不堪汴梁襟帶江淮然平曠無險可守洛陽周漢嘗都之然
嵩切諸山非蔽函終南之固澶澗伊洛非涇渭灞澹之雄故
山河百二可聳諸侯之望綿宗社之久舉天下莫關中若也
更上善之

福建行省參政蔡哲為御史臺侍御史
庚戌禮部侍郎黃肅降工部郎中尋拜工部侍郎
許天下軍民占籍應役應天得六百二十三戶
壬子始役畿內以飼北馬

命平章胡美招河南故元擴廓帖木兒遺兵

汪仲海為禮部侍郎張亨為兵部侍郎劉崧為職方郎中

甲寅翰林應奉陶凱為禮部尚書

丙辰山東旱自五月至是月不雨

夏人侵漠中守將金興旺擊卻之明日再戰中矢不退斬敵

百級我戍兵三千夏將吳友仁率兵三萬因間走寶雞告急

敵圍城發礮石拒之徐達遣傅友德以三千騎趨黑龍江夜

襲木槽關攻斗山砦令山上人燃十炬友仁驚遁

中書省右丞楊憲為左丞尋伏誅憲陽曲人少從宦江南諳

經史善辨上克金陵留用使張士誠還除博士所諮議擢

江南行省都事敏決頗好陰中嘗勸上督責之政不聽歷

司農卿倍稅浙西民甚苦之自河南山西行省內遷怙權更

制創一統山河之押覘僚吏皆附編脩陳桎賀其大貴奏除

待制候侍御史劉炳勒罷汪廣洋又劾刑部侍郎左安善

上覺其枉下炳獄太史令劉基併發憲奸狀引伏於是劉炳

桎陳按察使凌總等俱棄市初上問相於劉基右丞

楊憲何如基故善憲曰憲有相才非相器必敗問汪廣洋何

如曰褊淺殆甚憲耳問胡惟庸若何曰此小犢將破轅借犂

上不懌然則相朕毋逾先生也曰臣自知疾惡太甚又不
。 研劇徒負 陛下耳

許重熙曰楊憲下相時胡惟庸尚為太常少卿也基從李
文忠在塞外安得分身在朝乎

高岱曰 聖祖以武功定天下而崇尚文學如饑渴之於
飲食每得儒臣皆待以腹心唯幄朝夕咨訪不倦但一時
將略足構勘定而文儒相業猶不甚稱至使不得已而委
政廣洋惟庸輩是豈其所欲也故於陶安之卒甚加悼惜
晚年亟稱桂彥良之賢而不及用惜哉

一 胡未大都督府同知康茂才卒於陝州茂才斬人通經史

元季糾鄉兵拒盜累功授宣慰司都元帥鎮采石連敗已降
我從征漢吳中原俱有功遣鎮河中民立石頌其德贈行省
平章政事追封蘄國公謚武襄賜祭葬

置信賢提舉司

庚申定官民房舍車器衣服之制

遣通政司舍人鞏哥鎖南等招諭吐蕃

濟寧盜侯世雄作亂掠滕嶧間官軍討平之

辛酉臨漳湯陰雨雹

遣呂宗俊等諭暹羅國

占城高麗來貢

癸亥應天大雨水

丙寅置朔州衛

故元高昌王和尚岐王桑哥朵兒只班來降

戊辰改應天知府曰府尹

正三品

府丞一治中一通判襄陽

蘭以權為府尹

甲戌夜有大星自天津北流天鈞

丙子廣西行省叅政蔡德為靖江王相仍兼叅政提督廣西

衛

丁丑永州衛指揮同知丁玉為廣西行省叅政兼廣西衛指

揮使

定諸王府教授滿一年

禮部尚書陶凱言日膳舉樂上以將士北征暴露不許

戊寅遣使趙述諭三佛齊國御史張敬之諭渤泥國郭真諭

真臘國

己卯夕月於西郊

庚辰海南盜陳思仁等陷陵水等縣捕斬之

癸未定太廟祭四孟月歲除凡五其清明端午中元冬至各
時享

定親王從祀功臣配享禮文武樂歌

上諭中書省臣曰中原爭鬪白骨在野其遣人徧歷水陸收
瘞之

九朔戊朔皇從嫂蒙城王夫人田氏薨有節上重之

戊子京師城隍廟成

免屯軍歲租

免陝西民鹽米先每畝糧一斗鹽六斤

丙申癸惑入太微

青州孫古朴作亂襲莒州殺同知烏程年魯

庚子置王府承奉司

諭禮部別祭周天星辰

太子賓客梁貞歸里

諭學士魏觀太廟祝文止稱孝子皇帝不稱臣太子行禮止

稱命長子不稱皇太子

授降將汪文清楊思祖等官招其部曲

招諭遼陽等處官民

西洋諸國來貢

平沂州茶山盜

定朝會宴享樂舞之數

大明集禮成五十卷初中書省開禮樂二司徵者儒禮送京師纂修凡吉凶軍眉嘉及冠服車輅儀仗鹵簿字學樂律為綱凡儀度名數沿革咸具書工儒士曾魯徐一夔周子諒董懿尋授官梁寅等六人乞歸

十丙辰朔監察御史袁凱言保全功臣之道從之命臺省延聘儒士齋直午門與諸將講說經文

丁巳日中黑

賜文武官冬衣

上朝退見二內使靴而行雨中杖責之曰昏民力也暴殄若

是因令朝臣值雨雪衣雨衣

辛酉高麗來賀壽節踰期禮其使遣之

徐達李文忠班師

嚴狹簡曰李文忠之入燕也仁恩著於市肆之不易威聲播於擴廓之窮奔付友德以西巡寄輿祖以留後其制置可謂周矣若夫開平之於上都岐陽之於應昌也捷奏朝

馳隼旟夕返留兵置將俱所未聞卒之燕京磐石而二地
淪夷則識者不能無憾焉

福州地震

壬戌重定內使服飾之制

癸亥湖廣行省左丞周德興為征南將軍討慈利縣土酋覃
皇屋前走溪峒尋出掠及兵至復遁

庚午給南郊執事者新衣

癸酉有大星自雲中流入游氣中沒

丁丑定品官墓制

庚辰有大星自天樛東南流壘壁陣至羽林軍而散有聲小

星三五隨之至太倉沒

辛巳釋元平章徹里帖木兒北歸致元嗣主愛猷識里達臘

書云擴廓帖木兒敗狀進退之宜君其審之已又書曰君先

君奄棄沙漠深可悼閔適元史成三十餘年之主不可無謚

用謚君先君曰順著本紀君之子買的里八剌封崇禮侯歲

給祿及其來者與同居無恙但不知君近况何如前事之失

茲不必較果上順天道遣使通問庶安心牧養奉其宗祀若

欲殘兵出沒為邊氓患則大舉六師又非往日比毋致後悔

殿中侍御史武昌蔡哲以所舉御史犯法被劾罷尋卒工
惜之予葬

黃金曰元季之亂睥睨當世孰不欲依託得主如陳友諒
兵強國富亦可以攬結士心然從之者往、掉臂而去若
羅復仁蔡思賢一編脩一御史然聞 聖祖弔代之義即
來歸雖彼殊遇不足以羈其跡美官不足以繫其心由是
建功立業卒成美名向使溺於所從而不知變則堂、之
軀適足以膏彭蠡之戰鋒否則亦鄂州之降、耳安能善
其後耶馬援有言非但君擇臣、亦擇君其見固如是哉

乙酉作太廟壘

十一辰征、大將軍右丞相信國公徐達左副將軍浙江行省
平章李文忠班師還京 上出勞於江上明日達率諸將上

平沙漠表群臣皆賀又明日告郊廟

甲午開封知府宋冕為戶部尚書

丙申大封諸功臣 上御奉天殿諭曰朕論功行賞若做古
帝王籌之二年以征討未暇故至今日今爵賞次第皆朕自
定若御史大夫湯和朕里閑結髮相從功屢最速嗜酒安殺
不由法度趙庸從李文忠取應昌功不細而私其奴婢廢國

法廖永忠戰鄱陽奮勇忘軀朕親見之奇男子也使所善儒
生窺朕意徵封爵命都督郭子興不奉主將命不守紀律雖
勞不足準四人封為侯平章李文忠總兵應昌遜前元太子
獲其皇孫妃嬪重寶悉歸功最大御史大夫鄧愈幼相從任
使屢挫抑無怨二人宜列公左丞相李善長雖無汗馬勞事
朕久給軍不乏右丞相徐達朕同里從征自起兵時功最高
二人已公宜進封大國餘悉據功定封如不酬稱廷論之母
後言皆項肯悅服遂班爵行賞封公六人李善長太師韓國
公祿四千石勳號開國輔運推誠守正文臣徐達魏國公祿
五千石勳號開國輔運推誠宣力武臣故常遇春子茂鄭國
公祿三千石勳號翊運推誠宣德靖遠功臣浙江行省平章
李文忠左都督曹國公祿三千石右都督兼太子右詹事馮
勝宋國公御史大夫兼太子諭德鄧愈衛國公俱祿三千石
世襲封侯二十八人御史大夫兼太子諭德湯和中山侯同
知大都督府事唐勝宗延安侯陸仲亨吉安侯湖廣行省左
丞周德興江夏侯燕府左相兼北平行省參政華雲龍淮安
侯大都督府副使兼太子右率顧時濟寧侯秦府左相兼陝
西行省右丞耿炳文長興侯大都督府僉事陳德臨江侯郭

子興鞏昌侯並祿千五百石平陽衛指揮使王志六安侯朔
州衛指揮副使鄭遇春榮陽侯並祿九百石大都督府同知
都督僉事費聚平涼侯吳良江陰侯吳府右相左兼大都督府
僉事吳禎靖海侯中書右丞兼太子副詹事趙庸南雄侯中
書省平章兼同知詹事院廖永忠德慶侯江淮行省平章俞
通源南安侯並祿千五百石湖廣行省平章華高廣德侯祿
六百石楊瑒營陽侯康茂才子鐸蕪春侯浙江行省參政朱
亮祖永嘉侯江淮行省參政傅友德潁川侯中書省平章兼
同知詹事院胡美豫章侯山東行省平章韓政東平侯並祿
千五百石江西行省參政黃彬宜春侯山西行省平章曹良
臣宣寧侯浙江行省右丞梅思祖汝南侯山東行省參政陸
聚河南侯並祿九百石世襲賜誥券其勳號皆開國輔運推
誠宣力武臣仍賜綺帛李善長徐達各百匹常茂馮勝八十
匹李文忠鄧愈六十匹湯和唐勝杲陸仲亨周德興顧時耿
炳文費聚四十匹華雲龍陳德郭子興王志鄭遇春吳良吳
禎三十匹趙庸廖永忠俞通源都督僉事奎朝興平章李思
齊參政戴德曹興才二十四匹華高楊璋二十二匹康鐸朱
亮祖傅友德胡美韓政曹彬曹良臣梅思祖陸聚汪興祖各

二十匹平章李伯昇十六匹西征指揮二十四匹千戶衛鎮
撫二十匹百戶所鎮撫十六匹征定西興元應昌指揮二十
匹千戶衛鎮撫十六匹百戶所鎮撫十二匹守禦指揮各十
六匹千戶衛鎮撫十二匹百戶所鎮撫八匹內軍各十金錢
六千

賞陝西蘭州等守禦將士綺帛有差

丁酉詔曰朕本農夫托身縑流遇時多艱入於行伍覩群雄
之無律遂率衆渡江東征西討幾二十年荷天地祖宗之靈
山川百神之助遂致強殲弱服華夷一統其何以答諸將六
軍委身暴露之艱薄取輕收非古人中正道厚歛以重賞則
損於民是用倉庫錢糧均其第等以謝軍士崇爵祿頒金幣
以勞功臣昭告中外咸使聞知

王世貞曰讀洪武三年之功令未嘗不三復而歎也曰嗚
呼厚而載則可久矣當是時封公者六人而魏公功最大
祿秩亦最重中山侯宿將也以一言之諄而不獲公德慶
侯鉅勳也以一事之訛而不獲公永城封而貶東勝封而
奪訓詞蓋燻子斧鉞焉夫孰敢有恣睢而殞於法者然至
吉安江夏臨川東平之類抑何其職夷狼籍也三年而後

續侯者獨西藩之役最盛平雲南次之其他以舊勳相錯封然至藍氏之誅累而幾若掃矣夫以馮采公傳穎公之雄而卒不免死嫌謂其不蔽法也而諱之即諱之猶不為置後嗚呼可歎也

陳子龍曰高皇帝無尺寸之資諸將皆起徒步莫不并志一力艱難盡瘁或繫身肺腑之間或生長子姓之列不獨資以推敵蓋將託之機務豈有侯王之號招採以就權軍馳驅之勢搖足而分強弱哉是以鱗翼一奮帶礪成文景風再頌貂蟬滿坐比之於古斯為盛焉獨於天下已定

諸徹侯解釋殷繁優游朝請胡藍株累醢廢綿聯至今二百餘年之間非有大變革也佐命之臣摧落將盡嗚呼事遠情易實去名危意恃子曩勳道違於來主揆之往昔輒此之由昭代諸侯惟長興見嫌於靖難李吳坐法於新朝餘者皆尋自誅夷及身絕繼此何故也夫胡相險偏幾震乘輿涼國執悖謀危社稷嬰童知其必敗婦女為之寒心諸宿將英姿銷歇沒齒為期又復何求白頭從逆且建勳方面豈不深幾然謀幃幄何其易昧慶卿劍成能使武陽裂土蒞通利口欲令蕭曹禹是苟非大愚知為妖罔至

於死給東園後胤不立生逃西市追論更嚴將無急銷鋒
之心略惟蓋之義耶不曰猜情當為睿笑矣豈以太孫
文儒諸藩威強快、非少主之臣洵、成負喘之勢乎假
令齊兵西指絳侯不和蜀寇東躡越公小挫外稱義師內
將挾主必至勢分列國權歸舊朝難為全矣故忍斷臂之
痛為當戶之鉏在彼在此吾無憂也或云 高帝春秋高
諸王咸有非常之望故廣布流言傾危宿頓理或有之非
所敢論獨以承平清宴多歷歲年則開物定基功非眇細
雖十世其可宥觀九原以誰歸梅陵園而思股肱臨山河
而憑丘氓耿賈昔勳徒庇雲臺之上房杜後人無復夏畦
之榮而豎儒俗吏於國家無毫髮之功折枝之辨而坐擁
高位或世其家者纍、也可勝道哉

談遷曰廖永忠宜封公嘗使人偵 上意故侯之夫窺音
不過冀一時幸非罪也或減祿賞十之二何足損其功若
窺音為罪則湯和常州之酒失不更悖耶 上嘆永忠則
知 上雖親儒生於草辭隻語俱臆摩而懸度之其後功
臣多誅絕早見端於此矣

定元降臣高昌王岐王借三品服陪祭

戊戌大宴功臣宴罷諭曰創業之謀與卿等勞心苦力艱難
多矣艱難得之當艱難守之朕今不敢逸卿等亦不可忘前
事明日入謝上退御華蓋殿賜坐從容歸功諸將徐達等
稽首曰臣等起獻亂從陛下每奉成筭如指諸掌事定不
與毫分天錫聖智非臣等能也上曰曩四方紛亂朕與

卿等圖生而已渡江以來觀群雄所為非淫即貪奢侈者溺
剽賊者鬪朕始有救民之心當時張士誠恃財陳友諒恃兵
朕獨恃無恃不殺人布信義守勤儉又恃卿等同心共濟時二
寇相持友諒剽而輕士誠狡而懦擊友諒士誠心不能援擊

士誠友諒空國來矣此朕取二寇之先後二寇既除或勸盪
平群盜或欲直趨元都皆未合朕意先命卿等取山東次及
河洛親至大梁止潼關之兵張思道李思齊擴廓帖木兒三
人皆百戰之餘未必遽降是以出不意友諒北行元都既舉
然後西征張瑄望絕勢窮以故不勞而克然擴廓帖木兒猶
能力戰相拒向使木罕元都先為角力彼人望未絕勝負未
可知矣事勢與二寇又正相反達等皆頓首稱善

命曹國公李文忠領大都督府穎川侯傅友德吉安侯陸仲
亨濟寧侯顧時臨江侯陳德六安侯王志榮陽侯鄭遇春江

陰侯吳良南雄侯趙雄並同知都督府事指揮王成單發沐
英何文輝莊齡王簡藍玉仇成金朝興費震王弼胡德並大
都督府僉事

祭戰沒功臣給其家

辛丑四工朝罷坐東閣召諸武臣曰往在戰陣以力為能以
勝為功今當講求古名將功成後事君何道持身何禮所能
保全功名者何人常以為鑑

嘉興知府呂文燧奉使闈婆國卒於興化文燧永康人從上
拜左副元帥兼知縣事歷今官

丁未夜有大星自天市北流漸臺

庚戌上南郊

辛亥命商輸北平粟一石八斗給淮浙鹽一引

覈民數給戶帖戶各具鄉貫丁口田宅僮婢畜產戶部印驗
之

壬子曹國公李文忠立浙江七衛錢塘海寧杭州湖州崇德
德清金華又衢州守禦千戶所分戍五萬二千五百十三人
後改湖州金華守禦千戶所
改郊祀牲房

甲寅夜太白犯壘壁陣

乙卯封中書右丞汪廣洋忠勤伯祿三百六十石御史中丞
兼弘文館學士劉基誠意伯祿二百四十石公侯正一品伯
次之

吏部尚書王興福降西安知府刑部尚書即本中政吏部

十二月先是松江錢鶴皋餘黨至是逮至百五十四人皆論死

上宥之戍蘭州

中書省欲徙西北降胡於內地杜後患上曰胡人耐寒驅
而南違其性易亂不若順而撫之就邊地擇水草孳牧自然

安矣

上聞指揮董虐諭習林衛指揮使葉昇等曰居京師與關外
不同爾等享富貴不宣之是反虐之大失人心

庚申元宗王也先帖木兒等自大同來降授百戶

戶部言陝西察罕腦兒有大小鹽池宜設鹽課提舉司募商
入粟中鹽或入金銀布帛馬驢牛羊准其直從之

辛酉大明志成編天下州縣地理形勝降附始末儒士魏俊
民黃麓劉儼丁鳳鄭思先鄭權纂脩皆授官

命軍餉俱每月初給著為令

癸亥故元主子失篤見外戚阿里麻思海牙駙馬忙哥刺失
等來降各賜宅一區

遺書元嗣主并招諭和林諸部

甲子 上朝退語湯和等曰卿等安享富貴當保此祿位傳
之子孫尉遲敏德單騎脫唐太宗於王世充軍中及爭宴拳
毆任城王李道宗太宗怒欲罪之長孫無忌以皇后親弟佩
刀入禁門后請置法外戚猶不免况其他子

遣祭南海

中書省議民私鹽法當死 上以細民急衣食杖戍蘭州已

潭州人私錢下寶源局

翰林侍讀學士魏觀為國子祭酒編脩宋濂為國子司業
作奉先殿時享朔望薦新行家人禮

乙丑吏部尚書商嵩為侍御史邵武知府周時中為吏部尚
書唐基司令郭曾為治書侍御史延平知府唐鐸為殿中侍
御史

元 平章汪洋慶奴弟左丞汪彞哥趙敏安答兒等來降

廣西陽山縣十萬山盜作南寧衛兵討平之

雷州衛指揮同知張秉彛上四事曰預造戰船防海寇曰增

戍雷州以援欽廉曰雷州添兵鎮守曰鹽課給民間糴糧贍
軍工從之

戊辰封右丞薛顯永城侯賜綺帛六十匹居海南上諭諸
將曰自古帝王爵賞酬功刑罰懲惡故能上下相安以致治
也漢高帝非功不侯終不免誅侯君集有功犯法唐太宗欲
宥之執法不可非二君之忘臣勞其臣自冒之也薛顯始自
盱眙來歸從朕征討皆著奇跡破慶陽追撫鄜帖木兒戰賀
宗哲勇略意氣朕甚嘉焉惟其剛忍屢戒不悛至妄殺胥吏
殺獸醫殺火者殺騎卒殺天長衛千戶吳富奪其孳畜師還

富妻衰經道哭訴冤於朕朕欲刑之人將謂天下初定即
殺將帥今仍封侯謫海南三分顯祿一以養其父母妻子一
贍富家一贍騎卒家庶功過不相掩國法無廢卿等皆居戒
顯所為諸將皆頓首謝

始令祭無祀鬼神築壇京師曰泰厲王國曰國厲府州曰郡
屬縣曰邑屬民間曰鄉屬

延安衛指揮唐恪綏德衛朱明等追敗元兵於燕山只斤擒
五百餘人
己巳定公侯儀從

庚午遣祭歷代帝王山陵伏羲神農黃帝少昊顓頊唐堯虞
舜夏禹商湯中宗高宗周文王武王成王康王漢高祖文帝
景帝武帝宣帝光武明帝章帝後魏文帝隋高祖唐高祖太
宗憲宗宣宗周世宗宋太祖真宗仁宗孝宗理宗凡三十有
五

壬申長沙峒蠻田作亂江夏侯周德興討平之

癸酉許福建輸土產支戶口倉鹽

丙子大都督府覈自吳元年十月迄今逃卒四萬七千九百
八十六人命諸司追捕之

丁丑禁武官縱軍鬻販

諭徐達等久勞許三日或五日一朝有大事召議之達固辭不許
定親王鹵簿儀仗

戊寅宋國公馮勝為大都督府右都督

己卯置諸王府儀衛司

賜徐達等勲臣田產

元臣王成等二百七人老疾放歸

辛巳右丞王溥為河南行省平章潘原明為浙江行省平章
俱世指揮同知李伯昇李思齊為中書平章方谷珍為廣西

行省左丞江西行省右丞張麟為行省左丞俱世指揮僉事
貪祿不視事

禮部尚書陶凱請選東宮官屬罷兼職專其輔導上曰朕
慮廷臣與東宮官屬不成甚至釁除萌奸漢之江克可以為
鑒設兼職父子一體君臣一心之義也

杭州江西燕山青州都衛指揮使司

壬子初日中屢有黑子求直言起居注萬鑑言死刑請三覆
奏毋輒置之吏部尚書即本中言訪中原山澤之士或官吏
不能加黜罰上皆是之

置河南西安太原武昌四都衛指揮使司滕縣守禦千戶所
甲申享太廟行家人禮百官免陪享享畢諭陶凱曰鬼神享
於克誠心有警乃不放其鑄銅人高尺有五寸手執簡書曰
齋戒致齋之日以致朕前

上嘗御東閣側室弘文館學士危素行簾外索、聞履聲
上曰誰對曰老臣素上曰朕謂文天祥也乃爾乎亡何監
察御史王著等劾危素亡國之臣謫和州之含山為余闕守
廟

談遷曰興王之朝多亡國之餘材如秦從龍張以寧王時

詹同張祖安然朱守仁李質其著者獨譎危學士以媿之
何也諛則馮道仇則危素彼降臣無所適從矣

是月前翰林侍講學士朱升卒

是年趙王杞薨

戶部奏今歲山東河南江西墾田二千一百三十五頃二十

畝

辛亥洪武四年

正朔戎左丞相太師韓國公李善長致仕

中書右丞忠勤伯汪廣洋為右丞相叅政胡惟庸為右丞詔
曰天下已定有功盡封大將收戈解甲於武備之庫息馬家
庭從善樂游功名兩全古何過哉中書左丞相李善長事朕
十一年寅至戌歸勤勞多矣漢之何參無以尚也其年既高
驅馳侍立朕心不忍業許致政今以中書右丞汪廣洋為中
書右丞相叅知政事胡惟庸為中書右丞總理軍國軍事焉

談遷曰李韓公甫進上公遽致政豈辟穀從赤松子為子
而非其人也蓋貴富極意稍溢而倦上微覺之始捐相
印故詔多微詞霍氏之禍萌於驂乘洵矣

丁亥命伐夏中山侯湯和為征西將軍江夏侯周德興德慶
侯廖永忠為左右副將軍暨營陽侯楊璟都督僉事葉昇以
舟師下瞿塘趨重慶潁川侯傅友德為征十前將軍濟寧侯
顧時臨江侯陳德為左右副將軍暨都督僉事何文輝等以
騎卒越秦隴趨成都上密諭友德曰夏人聞吾西伐必悉
銳守險東扼瞿塘北阻金牛若出不意直搗階文門戶既墜

腹心潰矣

中書右丞相魏國公徐達往北平練兵

戊子宋國公馮勝往陝西葺城堡衛國公鄧愈鎮襄陽餉西
軍

令吏部月理貼黃蓋選官里氏履歷詳黃紙上貼於籍壘識
之曰貼黃月一更歲終貯籍內庫
詔禮部參倣歷代祀郊廟社稷日月諸神冕服并百官陪祭
冠服之制凡郊廟日月服衮冕餘月皮并服陪祭各服本品
梁冠祭服

己丑賜太子大本堂記玉為之臂龍紐
華昌臨沅慶陽地震

庚寅作圓丘方丘日月社稷山川壇及太廟於臨濠 上以
畫繡欲都之劉基曰甲都曼衍非天子居也

定公主駙馬封號南昌王女福成公主蒙城王女慶陽公主
宜改都主駙馬都尉王克恭黃琛宜改儀眉 上曰吾兄早
亡不忍降其女封號如故歲祿五百石克恭兖州衛指揮使
琛淮安衛指揮使各賜誥
諸王儀鸞司改儀衛司司伏改典仗

置福州衛

立武靖岐山高昌三衛 卜納刺為武靖衛指揮同知來架朵
兒只班為岐山衛指揮同知和尙為高昌衛同知

辛卯何鎖南普為河州衛指揮同知朵兒只汪家奴為僉事
世襲領千戶所八軍民千戶所一百戶所七軍民百戶所二
壬辰河南知府廣濟徐麟求終養改知蘄州刑部侍郎左安
善為河南知府

甲午置建寧都衛

丙申定王國宗廟社稷壇之制

諸暨水災免田租

戊戌立內城門禁

己亥中書省工部縣官之數郡縣凡千二百三十九官五千四百八十八員

頒御史憲綱 上語臺臣曰元貴本族輕南士不得入風憲

非公也殿中侍御史唐鐸曰聞元時遣使宣撫百姓初出甚

震動至則寂然謠曰奉使宣撫問民疾若來若雷霆去若敗

鼓至今貽笑

龍州知州趙帖堅來貢

壬寅賜故元臣羌魯壽

癸卯 上以天寒念邊戍之苦命中書省製棉襖賜蔚朔寧

夏夷卒

元降將沙不丁為驍騎前衛副千戶

元樞密都運帖木兒等自東勝州來降詔置失寶赤千戶所

領百戶所十一五花城千戶所領百戶所五幹魯忽奴千戶

所領百戶所十燕只千戶所領百戶所十甕吉刺千戶所領

百戶所六

徙揚王廟於盱眙徐王廟於宿州各就其墓

甲辰治廣西興安縣靈渠三十六限蓋秦漢舊蹟復之溉田萬頃

乙巳令宦官月廩一石初月支九斗中書省請加俸三石

上曰彼衣食於內何俸為卿輩毋開其端

丙午安南國王陳日燿賀平沙漠貢馴象

丁未諭中書省既設科取士各行省連試三年自後三年一

舉著為令

置大同衛都指揮使司耿忠為都指揮使

戊申雨木冰

庚戌定文武官歲祿

二朔辰轉山東糧十萬石饋大同

戊午吏部主事林唐臣翰林編修王濂還自安南陳日燿遣

陪臣阮汝亮表謝貢方物

吳朴曰王濂唐臣為使禮儀曲折俱合典禮日燿乃敢心

萌犯上往返數四茲乃蠶夷示尊詭衆之術然非所以施

於受封也慢朝使以示尊武日燿本心亡矣叔明篡弒其

亦有所窺而動乎

刑部郎中劉惟謙為尚書上諭曰仁義者養民之膏梁也

刑罰者懲惡之藥石也含仁義而專刑罰是藥石毒民卿當
體古欽恤之意

太白晝見

壬戌湖廣行省參知政事盱眙戴德卒於京師贈行省右丞

追封誰郡伯世衛指揮僉事

丁卯鑄洪武通寶小錢民便之

戊辰免太平鎮江今年田租

己巳燕府左相淮安侯華雲龍兼北平行省參政左傳高顯

兼大興左衛指揮使

辛未命工部市廣東新牛給中原農民

壬甲免寧國今年田租

始會試得俞友仁等百二十人副斷事七品

定淮浙山東中鹽之例商輸粟中都每引淮鹽五石浙鹽四

石輸開封淮鹽二石五斗浙鹽二石輸襄陽淮鹽二石五斗

浙鹽一石五斗輸安淮鹽四石浙鹽三石五斗輸辰永峽

州淮鹽三石五斗浙鹽二石五斗輸荊州淮鹽四石五斗浙

鹽四石輸歸州淮鹽二石浙鹽一石輸大同淮鹽一石

浙鹽一石輸太原淮鹽一石輸北平淮鹽一石輸孟津淮鹽一

石輸五斗浙鹽一石輸河南北淮鹽一石輸五斗浙鹽一石

陳繼儒曰明之兵與農分矣然得鹽之灌輸也今策者
南之農而養西之兵者則鹽也存積也策輸也田者曰苦
日苦課重若守私者則難派也高鹽不為輸之朱合而祖
制未復也往高皇帝召商賈一粟遇也下也農盈於輸
鹽與此利高日受為桑田交利也左也盈於輸之朱合而祖
自為戰里甲成行敵有氣自而因喉自也生也意繁且於輸
無以田為地悲而流移有土著之樂也利舉而利也意繁且於輸
趙先零給圖何讓哉不於字七利舉而利也意繁且於輸
農昭然朽腹相望而兵則江以舉而利也意繁且於輸
鮮衣大賈跌手堅坐以而兵則江以舉而利也意繁且於輸
利縣屠寇樓免去羊田租十四下且薄利何農不則水旱薄
臨濠傍近州縣通水漕者課中百七利何農不則水旱薄
以五河懷遠定通三水漕者課中百七利何農不則水旱薄
穎上太和固始先山中豐沛蕭霍丘盜山帝運睢寧碭山靈璧

甲戌工如甲都

壬午還宮

元遠陽行省平章劉益以遠州降上地圖兵賦之數立遠東

衛授益指揮同知

三月酉朔策貢士於奉天殿賜吳伯宗等進士及第出身有差

授伯宗禮部員外郎賜袍笏冠帶高麗貢士三人金濤朴實

柳伯儒惟濤登第授安丘縣丞不能漢語遣還進士傳臚後

聽東宮注授寫職名為九耦進而分拈之下第貢士皆授縣

丞亦拈九注選

沈德符曰先一年庚戌以明經薦至京師者 上俱親策
問之賜徐大全等出身有差番昂李德以明尚書薦預焉
授洛陽典史歷濟南西安經歷告改漢陽教諭又任義寧
縣致仕見黃太泉佐傳中則庚戌實第一科又蘓州錢氏
世譜云庚戌狀元毋大全則徐字之悞也楊升庵紀洪武
五年壬子科會元莆田陳忠狀元則朱善蓋連三年三賜
廷對得大魁三人而世知之者鮮矣

丙戌改圓丘方丘壇

癸巳命東勝蔚朔武豐雲應皆極邊止設千百戶統領軍民

耕守不設有司

丙申置濠梁後衛南陽衛

丁酉罷司農司

戊戌日中黑

庚子命皇太子觀元史世祖時事曰彼初有天下政不及

漢唐況古人乎

辛丑許山東山西陝西歲辦鹽課即買其地棉布備軍裝

壬寅皇子椿生

膚施縣旱免租二萬八千二百餘石

癸卯令欽天監官久任

山東山西鹽課折收銀布赴大同易米餉軍

乙巳定命婦封號一品二品夫人三品淑人四品恭人五品

宜人六品安人七品孺人

徐達徙順寧興州邊民九萬三千八百七十人於北平

置淮遠衛於臨濠

丁未遣祭歷代帝王山陵陳州伏羲商高宗孟津漢光武洛

陽漢明帝章帝鄭州周世宗鞏縣宋太祖太宗真宗仁宗景

河商湯項城唐堯曲阜吳內黃商中宗滑縣顯項高辛鄭

縣神農寧遠虞舜會稽夏高宗孝宗中都黃帝咸陽周文王

武王成王康王宣王漢高帝文帝景帝興平漢武帝長安漢

宣帝三原唐高祖醴泉唐太宗蒲城唐憲宗涇陽唐宣宗著

於祀典俱二八月朔祭禁民樵採

戊申贛州人悞宿逃因刑部坐其罪 上曰彼不以為因而

宿之亦恒情也遂釋之

庚戌令有司滿三年稱職始給告身

召還薛顯於海南

閏三月朔置延平衛

乙卯南海縣送官牛至京多道死工部責償且送臨濠
上曰彼遠役又何堪焉止勿償

戊午蘄州知府陳寧為浙江行省叅政

己未工諭省臺臣擇官僚端謹文學者省臣曰邪正未易

辨工曰尊德樂義正也便佞褻慢邪也故驕奢淫佚鮮不

由於褻慢而端莊中正必皆本於好德

戶部尚書宋冕為河南行省叅政

賜功臣墳戶李善長徐達常茂馮勝各百五十戶鄧愈唐勝

宗陸仲亨華雲龍顧時陳德耿炳文吳禎都督孫恪郭子興

各百戶

庚申置法酒庫

侍御史高嵩往山東北平收故元漢軍按籍十四萬一百十

五戶每三戶出一卒分隸北平諸衛

夜有星自壁宿流游氣中沒

辛酉賜韓國公李善長牲醴米茗時葺建臨濠宮殿

置太原左右二衛仁和衛

甲子刑部尚書班用吉降江西按察副使磨勘司令王宗為

刑部侍郎

乙丑定內臣品秩 工諭侍臣曰古闔人不過司晨昏供服
役自漢鄧太后稱制專常侍小黄門通命漸至權傾人主朕
防之極嚴犯法必斥霜冰之戒也

談遷曰 高皇帝嚴宦寺之戒亦嘗遣使於外又 祖訓
略不之及何也得無徂其積輕謂後之人必世、遵此更

不足慮耶

故元宣慰司僉事范自野自察罕腦兒來降

丙子刑部侍郎李友諒為尚書

戊寅命故元臣脫列伯招諭甘肅塔等處

庚辰兵部尚書劉貞為治書侍御史

長陽縣盜執縣丞曹原善里人黃再文擊平之賜百五十金

辛巳陳寧為御史中丞宋冕為中書省叅政

壬申陳脩為吏部尚書蔣毅趙昱為刑部侍郎朱從善為戶

部侍郎

置秦州守禦千戶所

是月征西將軍湯和等次夔之大溪營陽侯楊璟引兵出溪
口趨瞿塘夏平章莫仁壽守瞿塘以鉄錫闌閘左丞相戴壽
平章鄒興副樞張 益兵鑿兩崖引纜為飛橋置砲石竿

鏡匣兩岸環戰帶利所遣指揮韋權出赤甲山李仁出白鹽山俱卻還歸州

刑部搜繫囚得嘉興王升所遺其子平涼知縣瑱書奏上之書曰當官先廉貪士常也以仁慈撫民以忠勤報國以謙敬處已暇日玩味經史則自然無私無邪入熟讀律令則守法不感蓋仕學不可偏廢人便附子二三枚川椒一二斤經稅乃來毋致餘物上覽書詔升曰昔元之初人務實學其後尚虛名干權勢朕習見世情貪吝有如蠅蟻是慈父失教耶抑教而子不從也爾升庭有善訓朕甚嘉之賜爾百金絹十

匹附子五枚川椒五斤仍復其家嘉興府志嘉興王軫

四朔未朔岳州知府蔣思德復為戶部尚書侍儀使韓寬為戶部侍郎楊冀安為禮部侍郎

置梧州守禦千戶所

甲申榮陽侯斯遇春都督僉事莊齡往臨濠開行大都督府禮部侍郎秦文繹為戶部尚書

丙戌征前將軍穎川侯傅友德克階州初友德入陝楊言曰出金牛引精騎五千趨陳倉緣山晝夜行抵階州守將平章丁世真來拒擊敗之

成子征西將軍中山侯湯和克歸州分遣南雄侯趙庸宣寧侯曹良臣克桑植容美洞會江夏侯周德興克茅岡覃屋寨和次歸州

己丑申定王府官制

傅友德抵文州夏人斷白龍江橋友德葺而濟至五里關丁世真復來拒戰都督同知巢縣汪興祖中飛石死友德奮戰破之拔文州

庚寅西師未復命永嘉侯朱亮祖為征右副將軍濟師

壬辰置京城金川門太平門二千戶所

癸巳傅友德兵渡青川果陽白水江會都督僉事王成趨隆州

己未湖廣行省平章廣德侯華高卒於崖州高含山人自巢湖來歸性怯屢從征引避至是自請招撫廣東無子予祭墓納鉄券墓中追封巢國公謚武毅置長淮衛於臨濠領舟師

丁酉前弘文館學士羅復仁卒復仁吉水人漢翰林脩撰壬寅歸我於九江甲辰授中書諮議說下陳理拜國子助教歷使山西晏南以質直重

廖道南曰馬援有言非惟君擇臣、亦擇君夫中原鼎沸
醜、羶汚群雄角立未知鹿死誰手復仁乃辭其故主翊
戴真龍推心置腹直見本真其綸綍之褒非溢美也

戊戌太白晝見

唐子微儒士趙普張羽俱臣晉直秦府致仕羽放歸

辛丑五色雲見

秀才丁士梅為蘓州知府童權為揚州知府

傅友德克隆州

禁直馳御道橫度者勿論

癸卯傅友德兵徇下江油彰明二縣趨綿州遣都督僉事藍

玉夜襲其壘守將向大亨兵擾凌晨友德自後來之大亨潰

遂克綿州龍驤衛指揮史鑑戰死大亨走漢州

乙巳置文州漢蕃千戶所

丙午徵天下儒士下第貢舉及山林隱逸農而志仕者給廩

傳遺之

戊申五色雲見

冊皇太子妃常氏常遇春女

太白晝見

置岳州衛

已酉五色雲見

辛亥定太廟侑祀功臣合祭

綏寧縣鄭成名等作亂敗官軍命江陰侯吳良討之

王廉為池澗縣丞縣患虎廉操文祭城隍神果絕跡

故元知院白文顯先來降至是叛於華亭平涼衛指揮秦虎

討平之

是月初元御史大夫福壽上曰朕渡江來元守臣如福壽

無外兵之援其殉國忠矣今有司歲祭

五
二月子朔日中黑亭已始隱

乙卯免江西田租詔曰朕本農夫深知民間疾苦及親率六

師南征北伐備悉將士之勞天下一統東成遼海南鎮諸番

西控羗夷北靖沙漠皆以中國精銳屯守邊要艱難萬狀朕

不忍言然欲鎮安黎庶必資守邊之力其於科徵轉運事豈

得已念惟江西之民土豪割據狼驅蠶食貲財一空歸附之

後供給繁重已九年矣兩浙歸附以來貪官污吏害民肥己

亦四載於茲今雖掃除尚未蘊醒其免今歲秋糧於戲四海

蒼生且暮念之事有緩急故恩有先後唯爾下民體朕至意

作用寶金牌二中書省大都督府各角一值請兵牌八始出
寶月之又走馬符牌事急遣使佩之又金牌二十銀牌二十
俱鉄為之長五寸博二寸五分藏內府遇調發則出
中山侯湯和攻瞿塘以江漲次大溪口欲待秋水落乃進
丁巳李守道詹同為吏部尚書

戊午置工蔡新蔡縣隸汝寧

己未赤星晝見午位

傅友德阻漢江乃造舟百餘艘夏人益震

辛酉江寧縣進白兔

進士郭紳為廣知府廉潤為松江知府楚嶽為湖州知府

詔天下吏人服阜

甲子令工部鑄銅板鹽課引目預造朝服備給散

乙丑禁諸司於掾令史外濫設貼書

丙寅立中都大社

故元平章魁的斤等以千餘人自東勝塔灘來降

故元平章洪保、馬彥魯入舟等殺遼東衛指揮同知劉

益

壬申置太原前衛

癸酉定中宮妃主常服及外命婦朝服常服之制
戊寅禮部尚書楊訓文為戶部尚書

己卯傅友德治并訖作木牌數千大書某日克階某日克文
投漢江順流而下以達湯和夏人見之奪氣

辛巳 工與廷臣論刑法御史中丞陳寧曰法重難犯吏察
難遁 工曰不然法重則刑濫吏察則政苛施重刑而又委
之察吏民手足無措矣朕聞帝王平刑緩獄天下服從未有
用申韓之法致克舜之治也寧慚而退

六月午朔太白晝見

傅友德渡江克漢州初夏人悉力守瞿塘及階文隔丞相戴
壽太尉吳友仁自瞿塘來援未至我偏城下向大亨出戰大
敗之援兵至復敗之遂拔漢州壽大亨走成都臨江侯陳德
又追敗之俘三千餘人友仁走占城友德又敗之友仁走保
寧

平陽知府徐本為戶部尚書

故建寧降將阮德柔贈武德將軍管軍正千戶

丙戌詔讓征西將軍湯和曰傅將軍冒險深入克階文諸州
次於平川乘勝之機正在今日將軍當水陸夾攻夏人首尾

受敵乃頓師漢口俟水落將軍欲辨象馬子皇帝閱將軍前
與將軍言不記憶何怯也德慶侯廖永忠聞命又得漢江木
牌乃自白鹽山伐木開道由紙坊溪趨夔州

戊子劉季通為起居注陳則為戶部侍郎丘民為禮部侍郎
杜寅趙彰為部侍郎

廖永忠敗平章鄒興於舊夔州殺溺甚衆

辛卯廖永忠進兵瞿塘鉄鑄飛橋亘関口不能舟遂選壯士
數百衣青莎衣雜卉白草舁小舟持餼糧水筒踰山度関出
其上度已至夜出精兵黑葉渡脊頭裹鉄置火槍火砲昧爽

與夏人戰上流之舟鼓而下下流之師火而上夾擊大破之
鄒興中砲死焚其飛橋鉄鑄為鎔擒其將八十餘人斬千餘
級副樞張遁去永忠入夔州明日湯和至分軍和率騎

卒永忠率舟師約會於重慶

癸巳中書省參政宋冕為江西按察副使班用吉為江西行
省參政

丙申傅友德薄成都

丁酉儒士趙新為開封知府

戊戌夏平章丁世珍復陷文州守將指揮僉事如鼻朱顯忠

僅七百餘人悉力拒戰死之千戶王均諒被執不屈被磔於東門外事聞並祭恤其家贈顯忠鎮國將軍都指揮

夏平章俞思忠以金州九龍山寨來降

班平地震

己亥置成安縣廣年

廖永忠抵重慶次銅鑼峽明昇大懼右丞劉仁等勸其奔成都昇母彭氏泣曰今大軍勢如破竹守必不支若使天統之君薦其血腥以比於蒲卑開明妻母子母久苦蜀人也昇乃詣軍納款永忠曰征西將軍未至不受

庚子唐宗魯為工部侍郎

壬寅故元右丞張良佐左丞房嵩自遼東來降貢馬殺馬彥翬洪保走納哈出營執平章八冊知院僧兒等至京納元所授印勅金牌上嘉之授斷事吳立及良佐嵩俱遼東衛指揮金事

癸卯湯和至重慶授明昇降送昇并降表於京師表略曰見同井蛙計窮穴兔揣罪實由於已啟釁用非其人迎拜道旁竊效子嬰之繫頸仰瞻天上敢希孟祖之傾心

高岱曰蜀地與中原隔絕昔人謂其後天下而亂亦後天

下而平大抵中原有事蜀必割據天下一統蜀亦不能久
存也玉珍非有雄才大略以我所爭在西北勢不暇及蜀
故得稱雄僻壤耳及我定中原清閩陝明昇自當稱臣內
附不失茅土世封楊璟之書譬晚明切而昇不能從可謂
不度德量力矣

甲辰置彭城濟州濟陽衛

北平平山衛

山東

製武臣金銀牌指揮金牌雙雲龍雙虎符凡五百千戶佩
鍍金銀牌獨雲龍獨虎符凡二千百戶佩銀牌凡萬有一千
牌博二寸長尺竅其首紅繩貫之
上親為文曰上天祐民

朕乃率撫威加華夷實馮虎臣錫爾金符永傳後嗣

丁未夜諸暨大雨水溺人

征右副將軍永嘉侯朱亮祖兵至重慶

戊申更部尚書詹同禮部尚書陶凱作宴享九奏樂章曰本

太初曰仰大明曰民初生曰品物亨曰御六龍曰泰階子曰

君德成曰聖道成曰樂寧工以協律善之悉屏俗樂

賜故元臣驢見書曰爾所守封疆與朕邊將旌旗相望若不

通介使恐將軍他日進退兩難幼主倘失圖強臣自立將軍

能忘君以事仇乎名義所在含耻忍辱諒不為也不然必驅

兵向之苟力不足麾下一旦解體將身死入手妻子離散又何益哉將軍幡然改悟結我以善後他日遇難來依朕不食

言

倭寇膠州

庚寅上御奉天門問吏部尚書唐同古帝王之治曰無過

唐虞三代上曰三代而上治以心三代而下治以法心則

道德仁義其用無窮法則權謀術數其用有時而窮故擇術

不可不慎也

是月遼東衛奏元將納哈出據金山擾邊上遣萬戶黃傳

致納哈出曰元地非不廣兵非不衆一旦紅巾起於汝穎盜

徧中原盜名字者數人韓林兒帝亮徐壽輝帝蘄陳友諒帝

九江張九四王姑蘓明玉珍帝蜀皆為我俘此天命非人

力也大厦既傾非一木可支機之後先惟將軍自思之納哈

出留傳不遣

七月辛亥朔存心錄成

豐城知縣林唐臣為吏部考功郎中唐臣前使安南還命令

豐城坐事逮至京獄中上書釋之

置定遠都指揮使司馬雲葉旺為都指揮使總遼東諸衛兵

命徐達自北平往山西練兵

番禺等縣大風拔木三日

壬子命中書省母奏祥瑞災異蝗旱即以聞

南寧大雨江溢壞城舍

庚申傅友德圍成都戴壽向大亨驅象戰前鋒弩射之象反

蹂蜀兵友德亦中流矢已聞昇降乃降得士馬三萬壽大亨

鄒興莫仁壽劉仁丁世真皆夏謀勇臣也壽大亨仁壽既降

至夔峽皆鑿舟自沉死

辛酉夜太陰入南斗魁中

壬戌傅友德分兵徇崇慶知州尹喜清拒戰擊斬之判官王

桂降

曹國公李文忠往四川撫綏軍民

癸亥蒲州地震

吏部尚書陳修卒脩弋陽人自官擢兵部郎中出守濟南

二年進合官叅酌時宜誅公核實蓋修啟之年五十一

甲子龍游縣大雨水壞人居

乙丑明昇至京師命議受降禮省劾上言宋乾德三年蜀主

孟昶降請考故事雜定其儀宜御奉天殿昇進表午門外叩

頭伏地待罪侍儀使奉表入承制出釋罪賜冠服引至墀下
拜謝上曰昶奢淫自恣昇幻孽自臣下可免其叩頭伏地
是日率官屬見封歸義侯賜冠帶衣服甲第一區

丁卯中書省請諸生俊民吏胥俱許應舉上以吏胥心獨
獨不許

戊辰故元詹事院副使南木哥詹事丞朵兒只以二千餘人

自河西來降

置汝陽汝寧

無極縣真定

己巳置商水縣

陳州

辛未置薊州衛

淮安侯華雲龍兵至雲州夜襲元平章僧家奴營盡俘其衆

乙亥占城國王阿荅阿者來貢工金葉表長尺博五寸夷書

內訌安南侵擾請兵器樂器上命中書省檄王女南已罷

兵所請兵器助關非義也擇爾國數人諳華語者來習樂并

諭福建免占城之權

丙子置四川行省刑部尚書劉惟謙為叅政

夏平章丁世真率其餘黨攻秦州守將指揮滿基回守五旬

餘擊走之世真敗夜竊梓潼廟為小校所殺小校赴京師自

言功上曰殺主帥非義也不予賞
朝已朔置振武衛親軍指揮使司
改用寶金牌博三寸長九寸五分上級鳳二下級麒麟二
癸未皇子相生

乙酉夜天鳴

丙戌徙應天治於江浦

庚寅罷鞏昌故元總帥府

癸巳淳泥國王馬合謨沙來貢淳泥西南海中闍婆屬國

置柘城考城縣開封

上以北平山艱運命銀三十萬布十萬即近地易米餉吏卒

又連東衛之馬發山東布萬匹皆馬給之

甲午令商輸米重慶給鹽引淮鹽一石一斗浙鹽一石

免淮揚臨濠秦滁無為今年田租

乙未夜有赤星自右旗流游氣中沒

己亥中書省左司郎中海淵為戶部尚書

國子祭酒魏觀謫隴南知縣司業宋濂謫安遠知縣以考孔

子祭禮不即上

庚子江夏周德興等克保寧執吳友仁檻送京師蜀平

上語侍臣曰孫武論將使愚使貪其言殊謬夫武臣當量敵制勝智勇兼盡不可使愚捐軀殉國以廉養士不可使貪癸卯遣拂菻國人檀古倫持詔諭其國王故元宗王子巴都麻失里沙加失里院使汪家奴等來降戊申潁州上猶縣盜起命宜春侯黃彬勦之己酉閩中饑賑之凡二萬五千餘戶

遣諭雲南一蕃烏撒等蠻

是月海寇羅子仁陷高州殺通判王名善雷州衛千戶黃清擊斬之

河南陝西山西及北平河間永平臨濠常州旱大名水

九廟戊朔日食

甲寅高麗入貢

乙卯夜熒惑犯壘壁陣

丙辰冊秦王樸妃王氏元右丞相河南王保、女弟

談遷曰高皇帝憂在漠北意未始一日釋也於故元主臣屢屢尺一終不我報而又最忌畏擴廓帖木兒將來平城之慮必其人也欲廢制之不得締姻天室蓋即劉敬公主遠嫁之策而逆用之非尋常所測也

唐勘司令端以善為刑部尚書茹太素任升正張度為
監察御史

分遣御史往山東河南北平覈鹽課通賦

庚申三佛齊國王馬哈刺孔八刺卜來貢工葉表

壬戌工部尚書晏慶為北平北省參政

癸亥夜月食

唐牛諭省府臺臣曰海外諸蠻夷阻山越海僻在一隅彼不
吾擾朕決不代之惟西北胡世患中國不可不備

呂宗俊還自暹羅國國王祭烈昭昆牙八貢馴象六足龜及

方物

贛縣地震

丙子置成都衛及右中前後四衛

丁丑命郡縣富民為萬石長主賦蓋縣郡吏多漁民故以民
治民必不朘削

戊寅日中黑

上曰與劉基曰近西蜀悉平稱名者盡俘京師我之疆宇不

少前元以寬失天下朕今救之猛然小人但喜寬恣謗罵國

冢扇惑非非莫能治即今天象疊見天鳴已八載日中黑子

見三年今秋天鳴震動日中黑子或二或三或一日更有之
更不知災禍自何年月日至卿年高靜處必有真知今遣刻
期往卿問訊使行勿奢茶飯返之基悉條對而焚其草大要
勸上國威已立宜少濟以寬大云

改虎牢關曰古殺關

是月置保寧守禦千戶所

衛國公鄧愈平鄆縣盜

江陰侯吳良平綏寧蠻還師

十月未置重慶守禦千戶所

夜有星自五車分而二沒於四輔

癸巳日本國王良懷遣僧祖來入貢先是

趙秩往未納

秩書諭之始聽命偕秩至京

乙未改廣興府曰廣德州

置朵耳衛指揮使司

丙申征西將軍中山侯湯和等還京上印綬

丁酉俘吳友仁等至以首虜誅友仁餘戍徐州

戊戌置雅州守禦千戶所

甲辰大都督府上京師兵額二十萬七千八百二十五人

置秦州守禦千戶所

丁未置叙南青州二守禦千戶所

是月分建諸王邸

十一月丙辰冬至祀員丘

真臘國巴山王忽見那入貢

丁巳西安鳳翔慶陽旱免田租十九萬三千三百餘石

己未召魏觀宋濂還朝為禮部主事

庚申工閻宋衙將士多耐費詔曰儉為治本奢為喪源習

奢不已入儉良難非保家之道爾其裁之

命官吏犯贓者無貸初元末政以賄成上深知之曰此弊

不革欲善治無由也

壬戌五色雲見

癸亥京師大軍倉火

丁卯祥符陳留等縣睢州旱免田租

己巳置曲周縣廣平

庚午置禮店千戶所

壬申中書省請稅河南山東北平陝西山西淮安屯田命免

科三年後畝租一斗

上御武樓下語驍騎左衛指揮使郭英等曰汝亦思守身家
乎曰臣愚亦念及此 上曰軍士作臨濠宮殿爾私役之非
自全計英等駭謝

甲戌聶緯宋晟郭英為廣東江西河南都衛都指揮使

乙亥定衛所逃軍之罰

是月安南陳叔明弑國王日燧自立叔明日燧叔也日燧居
國色荒常以兩女進其艷巧六宮無並者後復以女進上不
悅曰彼謂朕漁色耶併出前二女返之命使臣曰歸語主嫁
之猶女也日燧竟以昏荒為叔明逼死

十二月高郵守禦千戶所更改高郵衛置揚州衛

暹羅斛國王叅烈昭昆牙八貢表賀明年正旦

癸未定吏卒優給之例

甲申 上聞諸勳臣所賜庄戶不法召諸勳臣戒之曰卿等
晚節宜留意而庄戶怙勢若不戢下必累爾德也

乙酉吏部奏天下府百四十一官一百八十八人州百九十二
官五百七十二人縣千三百官三千四十一人

定文武官祖父封贈之制

丙戌命工部尚書朱守仁察吏山東

故元惠王伯都之花儲王伯彥之花宗王子蠻、伯帖木兒
入朝各賜宅給月廩

命吳王左相靖海侯吳禎籍溫台慶元方氏遺兵及蘭秀山
流民凡十一萬二千七百五十人分戍各衛仍禁瀕海民不
得私出海

庚寅戶部言漠中之金州石泉漠陰平利西鄉產茶採之十
採其一官園十採其八每畧五十斤三畧為引貯有司易馬
西番從之

辛卯賞平蜀將士傳反德廖永忠各二百五十金幣二十雙

顧時百五十金幣十五陳德百金幣十二郭子興以罪謫止

幣十二故都督同知汪興祖金幣如陳德都督僉事何文輝

王蘭藍玉張溫金朝興各五十金幣十陳桓幣十王成幣七

湯和僅克李逢春山寨幣十五周德興幣十二俞通源幣十

梅思祖幣五都督僉事仇成葉昇幣如之林霽峰幣六指揮

幣一千戶衛鎮撫幣六百戶所鎮撫幣四總旗十二金小旗

十一金卒十金惟楊璟趙庸朱亮祖不賞上諭之曰破保

寧不足掩潞州之敗趙庸合攻覃屋寨中道返朱亮祖比至

重慶城已下故賞所後也又讓湯和怯和頓首謝

王世貞曰平蜀將帥古多不利自桓南郡外如漢吳岑彭
之於公孫述鄧艾鍾會之於劉氏郭崇韜康延孝之於王
衍王全斌之於孟昶大者僂敗小亦責數勲賞俱廢昔賢
嘗記之國初如傅穎川廖德慶之下明昇功最卓絕至
勞人主紀頌而賞亦薄二將俱不益封主帥湯東甌又數
督責與昔所聞無異可怪也

壬辰賜中山侯湯和田萬畝鞏昌侯郭子興田千石故大都
督府同知汪興祖追封東勝侯世襲祿千石
令指揮千戶幼襲止給半祿年二十全之

聽軍民採江上蘆葦毋侵占

四川馬湖路總管晏濟入貢

癸巳禮部欲罪鎮江

官鶩瘠者徵其直 上不許

漢中知府費震坐事逮至京震多善政值旱饑貸倉糧十餘
萬石俾秋稔還之饑盜俱滅 上聞而嘉之至是釋之以勸
良吏

丙申故元施南道宣慰司覃大勝隆中路宣撫司同知南木
什用金洞安撫副使達谷什用東鄉五路軍民府知府結刺
什用及四川容美洞宣撫司田光賢各子弟入朝

置永寧貴州二衛瞿塘閬漢中階州三千戶所照紀司云置永
戊戌選故常遇春衆隨葉壽等六十八人俱授京衛百戶

置橫海衛

定官民揖拜禮毋胡習

己巳置寧國安吉宣武三衛於河南置諸城守禦千戶所

丙午故元宣政院副使常繼祖等自河州來降

大都督府僉事沐英何文輝為同知都督

戊申改馬湖路曰府

是月徐達還京師

延安中部盜起延安衛千戶曹隆擊平之

裁僧道善世玄教二院

壬子洪武五年

正朔戎併河南左右二衛為河南衛置陝州守禦千戶所

日中黑

故元兵犯汾州大同衛指揮僉事蔡端追擒一百餘人

壬子置親王護衛指揮使司各設三護衛一設左右前後中

五所千戶二百戶十又圍子手二所各千戶一

瑣里國王卜納的入貢三年六月遣塔海帖木兒持詔往諭

癸丑詔犯罪當請戒兩廣者發臨濠也種

遣翰林待制王禕偕蘓成往雲南詔諭元梁王把匝刺兀爾

密

乙卯忠建元帥府元帥墨池釋用來朝置忠建長官司

庚申併振武神武鳳翔英武宣武廣陵等十二衛俱入豹

衛

播南故元叅政余仲方來朝

辛酉上幸太平興國寺廣薦法會播玉圭禮佛再拜聽法

於僧宗泐受戒於僧慧日癸亥還宮

談遷曰聖祖崇尚六經於釋老二教亦不廢也蔣山法

會宋濂記之雖廣薦戰塲然遣一使足矣何至枉車駕其

禮特至也

壬戌暹羅斛國來貢

甲子遣楊載詔諭琉球國

耀州宜君縣盜起秦州衛指揮僉事王溥等捕斬之
置蒙古衛

乙丑賜徐達李文忠馮勝交趾弓五十彤弓百曰古者諸侯
有四方之功則賜弓矢卿宜此賜

歸德侯陳理歸義侯明昇居嘗怨望並安置於高麗昇性雅
純通論語孝經母彭氏召入宮

談遷曰降國之主鮮能自全嫌忌既深械穽發李銀錢
俶俱生日賜酒不保其年彼寬仁之朝猶罹此禍况嚴察
如聖祖者哉漢夏二豎不異長安一布衣終投海外諒

無生理幸漠北尚強故崇禮侯得食寄公之祿否則踵歸
德歸義而三之矣

播州宣慰使楊鑑同知羅琛播州總管鄭瑚等來朝仍置播
州宣慰司鑑琛秩如故改總管為長官司

元貴州宣慰使鄭彥文及土官宣慰使雷翠等來朝

普定府女總管適爾及來朝改知府世襲

龍番安撫使龍昇昌方番安撫使方德用韋番安撫使韋勝
祖金石番安撫使石良玉新添安撫使宋亦隣真各來朝
戊辰定武選之法

己巳命皇太子及秦王檣往臨濠祭陵

庚午五色雲見

上御武樓計邊事曰擴廓游魂尚出沒奈何魏國公徐達曰
亟發兵坑豎子耳度兵幾何曰十萬足矣上曰吾予卿十
五萬騎拜達征大將軍出鴈門曹國公李文忠為左副將
軍出應昌宋國公馮勝為征西將軍出金蘭各五萬騎征擴
廓帖木兒於沙漠

辛未改留守司曰留守衛

危素疾

甲戌上戒徐達等曰大將軍出中路揚言趨和林實持重
致其來擊之左副將軍出東路掩其不備征西將軍出西路
取甘肅以疑其兵令莫測乃善計也

靖海侯吳禰航海餉遠東給北軍

命衛國公鄧愈為征南將軍江夏侯周德興江陰侯吳良副
之討古州田州澧州諸處洞蠻愈率營陽侯楊璟宜春侯黃
斌出澧州德興率南雄侯趙庸指揮僉事左君弼出南寧良
率平章李伯昇出靖州
置廣東衛

城中都周四十五里

丙子故元知樞密院伯顏以部衆五百餘人來降

置四川納溪白渡二鹽馬司

五色雲見

故元知樞密院呵贊真巴藩王子赤斤帖木兒等來降

龍虎衛改益山護衛置西安太原廣西三護衛

是月危素卒素字太樸金谿人至正初薦授翰林檢討五年

改國子助教學問淵奧兼長筆札順帝初薦入官歷嶺北行

省左丞為時名臣尋解官寓居房山順帝北奔淮王帖木兒

不花監國承制起翰林學士承旨入朝信宿國破將投報恩

寺井寺僧救止之入明拜翰林侍講學士時年六十八尋

兼弘文館學士既謫含山踰年恚死

解縉曰予讀元史至於危素建言擇將帥任守令撫流民

務農保境臥薪嘗膽以圖中興而順帝稍用其說京南之

境幾無曠土其所辟舉皆能有功劾驚曰是殆可以圖存

而何至於覆亡耶蓋未幾而素出嶺北右丞而所舉者亦

皆散亡而元遂亡矣悲夫士不遇時雖或小試而終以泯

沒無聞可不惜哉

薛應旂曰素之在元東文衡握樞要不但以文苑名且崇
尚考亭龜山豫章延平九峰西山之學請諸儒從祀孔廟
其規為氣志不凡矣一失節焉覩顏於元亡之不賀泚類
於東閣之履聲竟死含山甘心溝瀆仰視黃泉何霄壤也
哉

何喬遠曰蔡邕被收請懸首刑足繼成漢史古人重史如
此哉以身博史則畏史官者耶危素來歸首尾不三年竟
卒謫所悲夫名亦不載於元史是以記之

二月初朔 上諭群臣曰昔范仲淹居位事今日不盡明日必

補之其心始安賢人君子精心如此朝廷豈有不治元季諸
臣皆苟且溺職日狗肥甘於生民疾苦政事得失惜如也紀
綱日弛民心土崩朕夜不安寢未明視朝嘗恐怠政卿等當
體朕懷共修厥職

潮州盜據揭陽潮陽潮陽衛指揮僉事王友等擊平之

辛巳疏通泰運河

令蘓湖漁人商人再居無田者充漕輓

壬午 上諭群臣曰設官定分上不陵下不譎昔魯政丁謂
為魁相拂鬚準正色呵之前元憲官某寢疾椽吏候之力疾

杖起因授吏杖吏拱立不受至再三憲官悟明日謝吏吏曰
其雖公屬非家僮不敢瀆禮彼憲吏皆正人也爾等鑒之
癸未臨濠府火

丙戌安南陳叔明遣阮汝霖貢馴象禮部受其表主事曾魯
視表非陳日燮乃叔明白尚書詰之則叔明弒立假入貢覘
我非上卻之

免河曲等縣食鹽米二千五百八十餘石

己丑併長淮衛於大河衛置贛州衛

辛卯立四川等處茶鹽都轉運司於成都鹽課司十五歲辦

鹽三萬七千八百四十二引有奇

置秦州茶馬司

何喬遠曰國家設四司一所以總茶課聯西戎控北

邊永利乎蓋陝之漠中川之夔保尤重矣楊一清所至舉

職不獨茶馬一事胡考所奏亦盡心焉夫此邊境之茶也

其土供茶天下貢額四千有奇福建居二焉自嘉靖二十

五年御史胡考言茶課

郭桓為山西按察司僉事

壬辰容美洞宣撫使田光寶入貢改容美洞長官司

京師火燭龍江鷹揚二衛營伏
盜掠陽江縣尋卒之

丙申羽林左衛總旗陳雲乞收永新等縣陳氏散卒三千三百七十人
不許詔以陳氏張氏軍相告者罪之

宣寧進忠宣撫使田惟戴來朝尋卒子茂長嗣

丁酉高麗入貢

庚子雲州旱免鹽糧

甲辰停番邸工俟有秋營之

乙巳發河南兵二萬從馮勝北征命都督同知何文輝率山東步騎二萬
千從李文忠出應昌

令四川民戶湍三丁僉一軍

羽林左衛軍張子英訴父弟及子皆克伍命免其父弟

戶部言四川產茶四百七十七所茶二百三十八萬六千九百四十三株
茶戶三百十五定制十採其一計萬九千二百一十斤易馬西番從之

丁未大將軍徐達遣都督藍玉先出鴈門至野馬川值胡兵追敗之亂山

河南行省參政楊訓文卒訓文潼川人元淮海書院山長隱

揚州 上徵拜起居注歷禮戶部尚書以學行政事稱
日中星

是月作申明亭令郡縣里社凡人有犯書其過名榜之
三朔甲朔免都民徭役

己酉命將官子弟入國學肄業並騎射
辛亥重定官民相見禮

壬子戶部尚書徐本為浙江行省參政

癸丑夜有星自太微垣流至蕃外沒
乙卯故元樞密同知別哥禿等來降

丙辰刑部尚書李友諒為福建行省參政工部侍郎黃齋為

尚書

丁巳前普定府同知安瓚入貢

故元金筑安撫使察定程番安撫使程谷英等來朝
官俱改長

庚申禮部主事魏觀為蘓州知府

夜月食

癸亥張遇林為應天府尹

丁卯都督藍玉敗擴廓帖木兒於土賴河擴廓帖木兒遁去
戊辰夜仙遊縣大水溺人

庚午澧州洞蠻作亂尋平之

壬申囉囉斯宣慰使安定來朝

癸酉置靖州武岡守禦千戶所欽州百戶所膠州守禦千戶所

都督僉事單發有罪降南寧衛指揮僉事

南平縣大雨水

是月高麗國王王顓上表賀平夏且請子弟入太學許之

四巳卯濟南登萊旱饑命淮安轉粟賑之

丁亥中書省左司郎中呂本為刑部侍郎

夜有大星自天市垣有小星三隨之行至游氣中沒

戊子廣東通平王福可等聚盜掠海豐詔廣東衛兵討平之

宣化盜掠南寧亦平之俘二千八百餘人斬百餘級

庚寅故元叅政阿失寧自西番來降上灌頂國王印

丁酉烏思藏僧章陽沙加仍灌頂國師賜印幣俾居報恩寺

化導其俗

戊戌詔天下舉行御飲酒禮

潯州天鳴廣州梧州地震黎城縣大風雹

己亥更定品官命婦冠服

庚子故元趙王汪古圖左丞錢友德來降
征南將軍衛國公鄧愈兵至澧州遣營陽侯楊璟等討散毛
柿溪赤溪晏福等三十九洞平之

盤順元帥墨稍什用入貢置盤順長官司

酉陽公邊溪洞軍民宣慰司都元帥府元帥冉汝彪入貢改
酉陽州汝彪為知州

五廟戎置諸司齋戒牌祭則設之文曰國有常憲神則鑒焉

壬子大將軍徐達至嶺北擴廓帖木兒賀宗哲合軍拒我敗
績

癸丑夜中都萬歲山雨雹

乙卯即墨膠水縣各大雨雹

甲書右丞王溥言頃者採木建昌之蛇舌巖見黃衣人歌聲

如鍾忽不見上以妖罔不之信龍盤虎踞勢當先赤帝重
興勝六朝八百年終王氣

復重萃從此繼唐堯

戊午祭方丘還宮憂旱命宮中后妃以下蔬食遂雨

丁卯倭寇海鹽之澈浦

戊辰命募商於永平衛納米甲鹽

故元沿海行樞密院同知葉廷秀等來降

是月詔曰朕本草芥之士失習聖賢書推強撫順無常寧處
一概粗疎民不見化鄉市里閭尚染元俗天下大定禮義風
俗可不正乎曩時兵亂民散因為人家奴者詔書到日即放
為良民有家貧殘疾并老幼少壯不得已乞覓者本里里長
及同里人戶助給之工商農業皆聽其故俟有餘贍然後償
還有司時察焉不資給者驗存其家糧糗可以足用餘沒官
賑濟里有出物周給者有司具奏孤獨廢疾養贍之孤老院
聽出乞覓圖剩餘筭楚者以闕馭論証告者抵罪民間歲時
宴會拜揖坐次皆序齒治父母喪富毋僭奢貧無妄費若信
惑風水暴停棺柩婚姻論財夷之道蒙古色目人既居我
土許與中國人往來嫁娶人民避兵散之四方今復故里有
丁少田多不許依然占護若去時丁少歸則丁多許於附近
驗官耕種僧道本以誘俗若脩齋誦經男女酒雜飲酒食肉
有司嚴治之福建兩廣等處有豪戶閹割人驅使者以閹割
抵罪沒官為奴於戲以朕德薄恩澤未孚倉庫未盈六軍四
戍尚慮未悅下民之心恐貽天怒夙夜淵冰咨爾臣民期臻
禮義之風永底昇平之治

征南副將軍江夏侯吳良兵次零溪進克銅鼓五開潭溪再

戰蹄騰浪掩都莫越漂洞既而搗地青城龍里通洪州所向
輒克獨秦洞崖山苗最桀黠扼銅關鉄塞之險久不下良以
計破之殲其衆

六朔子朔置兵馬指揮司分司於中都

定宦官禁令

丁丑定中官女職之制設六局十司尚宮尚儀尚服尚食尚
寢尚功局各四司官七十五人女史十八人俱良家子充之
高唐獲聊城棠邑朝城
民饑命吏部尚書趙鼎堅發粟
千九百石賑之

戊寅征西將軍馮勝左右副將軍陳德傅友德兵次蘭州友
德先將五千騎趨西涼敗元將失刺罕至永昌敗太尉朶兒
只巴至甘肅故元將上都驢降大獲其輜重進掃林山會勝
等共擊胡兵友德手射平章不花死追斬四百餘級降太尉
鎖納兒加平章管著等於是元將上都驢以吏民八百三十
餘降進至亦集乃路守將卜顏帖木兒以城降次別力駕山
元岐王朶兒只班遁去追獲其平章長仰奴等又敗之瓜沙
州獲馬騾牛羊二萬而還
辛巳五色雲見

甲申免登萊今年夏稅及逋租徭役又發粟六萬六千餘石賑萊州東昌

乙酉太白晝見丁亥滅

丙戌置遼東金復海蓋四州

倭寇寧德

丁亥濟南蝗大庾上猶南康大疫

戊子安化合水環縣民饑賑之

己丑羽林衛指揮使毛驥於顯指揮同知袁義等率兵捕蘓

松温台瀕海流倭

辛卯勅遼東都督僉事仇成嚴備納哈出

癸巳定六部職掌各司郎中員外郎主事分任尚書侍郎總

其政要

置沂州衛

甲午戶部尚書海淵為福建行省參政

丙申定公主定制

去年河間饑免其徭

定官民婚喪禮

戊戌改潭州府曰長沙靖江府曰桂林

己亥夜有大星自天市西垣行至游氣中没
庚子温州衛千戶陳旺以追擊海寇失機伏誅

青萊蝗

壬寅征南將軍江陰侯吳良平靖州會同縣蠻

癸卯句容民獻嘉瓜二賜錢千二百禮部尚書陶凱稱聖德

上曰朕何德之有時和歲豐王者之禎也

元人犯大同之宣寧縣

指揮使毛驥敗倭於溫下湖山追獲舟十二艘擒百五十餘

人

安曲縣地震

甲辰鑄戒后妃之辭於宮中

左副將軍李文忠率都督何文輝等出居庸擣應昌進口溫

河元兵遁獲牛馬輜重至哈喇莽來敵驚潰至臚胸河留其

輜重欲輕騎襲之各持二十日糧兼行至土刺河元將蠻子

哈喇章悉騎渡河陣而待戰散令稍却進至阿魯溫河敵益

衆搏戰馬中流矢持短兵步戰裨將劉義直前蔽之指揮李

榮授以所乘馬自奪胡騎乘之文忠策馬橫槊衆更進士

皆殊死鬪大敗之獲人馬萬計追至騁海敵又至文忠勒兵

劉本瀾州至州
所獲馬畜示敵暇三日敵疑有伏不敢

失道糧盡士多渴死至哥兒麻思文忠
濟獲故元官屬子孫及軍士家屬千八
百餘人

衛指揮同知定遠常榮神策衛指揮使壽州

司良臣安國公謚忠壯餘各予祭葬

伊度四川田

竹鑿模申武王臣母縱奴僕倚勢作非稱保全功臣之意

七月辛亥陽曲地震

壬子自己酉至是五色雲見

甲寅立觀星臺於中都獨山

乙卯夜有星自壘壁陣東北行大餘光如杯至近濁没

丙辰中山侯湯和等兵至斷頭山戰失利平陽左衛指揮同

知龍泉章存道死之

嚴從簡曰按此和林之偏師也我軍鮮利高皇蓋歎悔

之抑聞之長老曰存道驍將其死可惜又曰斷頭名惡兵

家忌馬時有勅存道移軍者不從卒敗噫武王以甲子興

豈有是耶雖然柏人彭亡落鳳狼牙在古亦有是說矣將

七

守險椎牛享士大縱所獲馬畜示敵暇三日敵疑有伏不敢
 近而遁文忠引還夜失道糧盡士多渴死至哥兒麻思文忠
 默禱馬搭地泉溢乃濟獲故元官屬子孫及軍士家屬千八
 百四十餘人是役也宣寧侯安豐曹良臣驍騎左衛指揮使
 合肥周顯振武衛指揮同知定遠常榮神策衛指揮使壽州
 張耀俱戰沒追封良臣安國公謚忠壯餘各予祭葬
 乙巳命戶部遣使度四川田
 作鐵榜申戒功臣毋縱奴僕倚勢作非稱保全功臣之意
 辛亥陽曲地震

壬子自己酉至是五色雲見

甲寅立觀星臺於中都獨山

乙卯夜有星自壘壁陣東北行大餘光如杯至近濁没

丙辰中山侯湯和等兵至斷頭山戰失利平陽左衛指揮同

知龍泉章存道死之

嚴從簡曰按此和林之偏師也我軍鮮利高皇蓋歎悔

之抑聞之長老曰存道驍將其死可惜又曰斷頭名惡兵

家忌馬時有勸存道移軍者不從卒敗噫武王以甲子興

豈有是耶雖然柏人彭亡落鳳狼牙在古亦有是說矣將

冥數有通會焉

辛酉崇明海門大雨潮溢壞廬舍免田租

壬戌夜京師地震

丁卯北平永清衛軍器庫火

戊辰裁媯川宜興雲四州徙其民北平

庚午高麗入貢奏耽羅國不朝又蘭秀山數寇請討上諭

止之

辛未遣諭故元國公白鎖住壽時鎖住佯死潛歸鄉里諭

曰爾本求安然事難逆覩獨不見隋末高君雅劉黑闥之事

予一旦無賴假爾為名以禍生民後來之悔爾當出詣有司

慷慨還朝全家保生豈不快哉

日中星

是月開封大水徐州大同蝗鳳翔平涼久不雨至是雨雹傷

救免田租

己卯卯貴州宣慰使霜翠請討所部隴屠上恐啟釁不許

庚辰罷天下進賀聖節冬至表箋上曰正旦稱賀禮固宜

然冬至亦賀於文多矣朕考妣早逝生日不勝悲痛其皆罷

賀

甲申詔浙江福建海上造舟六百六十艘禦倭

乙酉徐溝縣天鳴自癸未屢地震義烏餘杭大風水溢溺人

畜

丙戌河南民獻白兔縱之

戊子詔諭勳臣曰敬謹為受福之本驕怠為招禍之原非知

道者不足語此

甲午廣州地震聲如雷地坼二里許

丙申征南副將軍江陰侯吳良等平五開潭溪古州諸蠻收

撫洞寨二百餘籍其民萬五千人收散卒四千五百四十人

倭寇福寧大焚掠

平陽衛指揮僉事張祥遜胡至崞縣之古洞山被執

戊戌陽曲地震

置台州衛罷守禦千戶所

己亥五色雲見

庚子祠閣平王常遇春於北平有司歲祭

壬寅明州衛指揮僉事張德擊倭中流矢卒賜祭

癸卯太倉衛言高麗使臣洪師範鄭夢周等渡海舟壞溺師

範等三十九人餘漂至嘉興工送歸之

甲辰故元兵侵雲州殺同知黃里
九月己朔南海盜起詔廣東衛軍擊斬之

丙辰旦有星青白色自太微西垣行至雲中沒

丁巳靖海侯吳禎送故元平章高家奴知樞密院高大方同

僉高希古張海馬遠陽路總管高斌等至京

戊午征南副將軍江夏侯周德興等討平楚鳳安田等州諸

洞蠻

壬戌聖壽節右丞相汪廣洋請賀^上不許齋居素食自是歲為

常

陽曲地再震

甲子占城入貢

置通州守禦千戶所

乙丑廣州地震聲如雷

十月亥浦口復置龍虎衛

戊寅陽曲地震辛卯又震

庚辰夜有星自五車流參旗

辛巳晉王左傅謝成兼太原都衛指揮使

戊子詔雜犯罪可矜者免死輸作臨濠

庚寅高麗遣賀明年正旦 上以期遠淹使又屢貢命三年
一聘或此年所貢布十匹足矣毋過豐其占城安南西洋瑣
里瓜哇渤泥三佛齊暹羅真臘等國各明告以朕意
丁酉韃靼五千九百餘人自東勝來降

征西將軍宋國公馮勝等班師入京

王世貞曰是舉也大將軍所遇勁故敗失士馬數不可考
然孤懸塞外而能還保塞諸將無所亡失蓋一敗而能整
故耳左副將軍雖名為勝之敵深入失亡過當幾至喪師
征西將軍所遇靡故全勝而右副將軍功最多然賞罰俱

不行史謂達與諸將固請北征恐未必然也

諭中書省寬驛傳必糧富丁多者充馬戶有司務加存撫

是月免應天太平鎮江寧國廣德田租詔曰昔群雄鼎沸朕
渡江也建業十有八年其間高城壘深濠塹軍需造作皆近
京之民率先効力濟我時艱朕心不忘天下一統五年矣雖
嘗蠲四歲稅糧未報前勞故申訪有司盡行蠲免

十一月甲辰朔復置晉慶衛益陽守禦千戶所

丁未併興化衛於鍾山併天長衛於定遠併振武衛於興化
併和陽衛於神策併通州吳興二衛於龍驤尋和陽神策

庚戌征南副將軍江陰侯吳良等班師還京

壬子置甘肅衛

癸亥建公侯第宅於中都

免平涼田租

甲子征南將軍衛國公鄧愈營陽侯楊璟等班師還京

詔將士戰衣旗幟色用黃赤

丙寅定封贈之制

庚午曉熒惑犯鈞鈴

辛未靖海侯吳禎還京

壬申賞甘肅西征兵萬四百三十五人共四萬四千金征西

將軍馮勝等各私馳馬不賞諭曰將不私其自况物予祭遵

憂國奉公曹彬圖書數卷而何不古若也勝等頓首謝

納哈出犯遼東之牛家庄燔種十萬餘石損軍五千餘人

是月詔征大將軍魏國公徐達左副將軍曹國公李文忠

還京

十甲戌朔詔曰農桑衣食之本學校理道之原朕頒降條章使

敦篤教化民豐衣食食理道暢焉有司不遵朕命給由赴京

往一無桑株教自學校緣由甚違朕意今後敢爾論違制

夜有赤星自即將旁行至雲中沒

丁丑征南副將軍江夏侯周德興班師還京論功賞征南將

軍衛國公鄧愈綺帛各八營陽侯楊璟宜春侯黃彬六之都

督僉事王誠等四之周德興南雄侯趙庸各十二江陰侯吳

良指揮僉事左居弼各十平章李伯昇等八之餘有差

庚辰禮部尚書陶凱乞做唐宋會要紀時政從之

裁黔江縣入於彭水

命百司奏事皆啟 皇太子

甲甲 上出三山門見浚濠役人裸行水中求鋤不得蓋吏

擲之者捕吏杖之命罷役曰今日重裘猶寒役苦乃爾遂併

遣工匠之營中都者

太白晝見

丙戌京師定遠等衛火

戊子秦府左相兼陝西行省右丞耿炳文署行都督府事燕

府左傅高顯為永平衛指揮使

庚寅驍騎前中衛併左右衛

壬辰禮部侍郎魯魯卒魯字得之新淦人善記誦徵修元史

及禮書授禮部主事五年二月遷侍郎八月主鄉試九月上

鍾山甘露頌遂乞骸卒於南昌舟中年五十四所著六一居士集考異行世

癸巳貴州一番宣慰司同知趙安禮柏坪新鄉盧番洪番小龍番四安撫司程番廬山二長官司各朝貢

甲午兩浙都轉運鹽使李信為廣東行省叅政未赴拜吏部尚書

乙未設四川永寧茶局子界首鎮雅州茶局子碓門成都茶局子灌州安州筠連州

丁酉禮部主事朱濂為太子贊善大夫

是月元梁王把匝剌瓦爾殺我翰林待制義烏王禕於雲南禕賚至滇說梁王內附不聽館別室數日復說曰朝廷以滇之百萬生聚不欲血刃故使臣開諭若拒王命必命秦甲發蜀獠循棧道略沉黎而西大將軍踞昆明之工而飲其水犄之角之腹背受敵王之將佐利王以為功者不少雖欲泥首牽羊其將能乎梁王心動即改館俄元使脫、自西域至責梁王忘國大仇問明使者安在不得已出禕見之欲按屈禕禕罵曰爾之前王穢貉腥羶踐華而君祚幾百年足矣爾嗣君配德作怨民散盜起東裂西崩不能幃控 皇帝神明威

武海內歸心登大寶於布衣取天下於群盜爾孽不自忖量
尚欲燭跋燭燃死灰三尺童豎知其無能為也公等區區尚
嚇誰乎脫、欲殺之司徒達里麻叅政喻金閻等從旁解之
曰王公才氣無雙即不從遣之耳脫、曰今日雖是嬰銜命
仲尼相禮吾亦欲斫其頭何知王公禕顧梁王曰殺我爾不
國矣遂見殺禕少師事學士黃潛歸隱青巖山李文忠薦工
署中書省掾文行端慎工魯曰宋濂學問之博王禕才思
之雄浙東大儒兩人耳所著華川前後集玉堂雜著續大事
記

袁宏曰昔李希烈殺顏真卿而王廷湊不殺韓愈夫事固有
幸不幸也世多謂子克不即死又從匿民間嗟乎是豈
知子克者哉蘓子卿操節匈奴十九年豈惜死者誠悲夫
死之不可復生也是故子卿退之之不死魯公子克之死
也要之不辱君命自靖其志而已矣流俗人惡知死哉
吳朴曰漢隨何使九江能殺楚使班超從郭柁使西域能
殺匈奴之使今子克先至脫、後來脫、敢肆兇惡吾獨
不能誅脫、乎或者無隨何之權其屬蒺藜超之勇與雖
然子克之節可少哉

談遷曰王子充學本黃晉卿吳立夫詩本高季迪胡仲申
為國初稱首且矣啣命萬里歿不蒙一字之褒豈於事無
少裨耶優於累章略於筆塚蓋開創之日為然矣
故 皇姊隴西長公主加封曹國長公主駙馬都尉恩親侯
李貞封曹國公

已亥給僧道度牒時僧道尼凡五萬七千二百餘人禮部請
驚牒資用曰免丁錢詔罷之著為令

庚子詔作獨轅車山西河南一百輛北平山東千輛
內使奏增飼虎肉 上以虛費送虎光祿寺悉縱禽獸

烏思藏設帝師喃加巴藏卜等入貢
吐蕃諸部川藏邀阻烏思藏貢使命衛國公鄧愈為征西將
軍率兵討之

琉球國中山王察度入貢

貽元少主書又諭元臣劉仲德朱考德書曰至正之君蒙塵
而奔初主初立大臣叛去獨二生秉臣節深可嘉尚今遣使
諭爾君令取其子買里的一刺歸母絕父子之倫君祀不絕
生家族亦可保不然大軍綿亘於陰山生能思於君身膏草
野亦奇男子也或不能徇國偷生苟免將何面目於朕其孰

慮之

是月城大同

河南侯陸聚罷歸鳳陽奉朝請

命仍祀孟子是年國子監請釋奠命罷祀孟子至是令上曰

孟子辨異端闢邪說發明先聖之道其復之南京太常寺志

談遷曰寧波府志新洪武二十三年令儒臣脩孟子節文

上覽孟子土芥寇仇之說謂非臣子所宜言議欲去其配

享詔敢諫者罪以不敬且命金吾射之刑部尚書象山錢

唐抗疏入諫輿觀自隨袒胸當箭曰臣得為孟軻死有餘

榮上見其誠懇命太醫院療治孟子配享得不廢按唐

以洪武三年謫壽州四年卒而配享之說乃在五年安得

相及至於孟子節文脩在二十七年謂唐之諫在於是時

尤謬今考寧波舊志止載唐諫釋奠一事不及孟子袒胸

受箭之說出自野史豈好事者為之耶

又仁和姜南大賓辱語云洪武二年詔止釋奠曲阜京師

不必天下刑部尚書錢唐疏孔子百王宗師先儒謂仲尼

以萬世為土天下祀孔子如天下祝聖壽報本之禮不可

廢也吏部侍郎程徐亦曰帝王之治天下教養而已天下

不可一日無孔子之道則教不可一日廢天下不可一日
無孔子之教則祀不可一日廢今使其人必讀其書由其
教行其道而不得通祀非所以崇本始報功施也 上從
之

是年都指揮使馬燁城貴州 黔紀

置永寧衛

癸丑洪武六年

正明辰故元千戶趙權以二千二百餘人自塞北來歸

福州盜據白塔嶺指揮耿良討平之

温州盜據瑞安萬里林官軍捕滅之置淡洋巡簡司

談遷曰劉誠意傳云甌括間有地曰淡洋南界福建元末
奸民盜醜其間方谷珍所由亂基請設巡簡司而民作奸
如故適盜周廣三反溫處吏匿不以聞基令長子理徑詣
工奏不先白中書省胡惟庸以前嚙使吏訐基言淡洋地

有王氣基欲得為墓民不與則請立巡司逐民家庶幾動
工聽遂飲章以聞上奪基祿基懼入朝不敢歸而實錄
云周廣三等相結為盜守將領兵掩捕盡獲之即其地立
巡司事徑捷如此

予友許重熙曰刑部尚書宜興吳雲按浙東奏淡洋事涉
基在五年秋則所謂飲章未必胡氏也

己巳豫章侯胡廷美收荆沔舊卒萬四千五百餘人其舊校
六十三人俱授百戶分領之

貢士蔣學閻鈍為起居注傅宗巖崔萃為給事中趙震殷哲
為翰林應奉

丙午來朝守令陞辭上曰慈祥愷悌身德也刻薄殘酷身

賊也君子成其德而去其賊故惠及於人朕之任官取用惟
賢舉廉興孝惟欲厚俗崇德勸善惟欲成風偽慈祥者必不

愛偽愷悌者必不誠
庚戌於河州衛設郡縣尋罷之

壬子命魏國公徐達曹國公李文忠等往山西北平防邊已
召還命吉安侯陸仲亨詣代縣都督何文輝詣北平

癸丑遼東金州復州早免去年田租

甲寅貢士永豐張唯祥符王輝河內李端洛陽張紳為翰林
編脩俱少俊直禁中文華堂命太子贊善大夫采瀛正字桂
彥良教之工政暇輒臨幸課甲乙日食大官饌太子諸
王遍為主時賜白金弓馬

中書右丞相汪廣洋以吳急降廣東行省參政

吏部尚書李信為山西行省參政

設普定府流官

丙辰工部尚書黃鼎坐法當笞命俸贖

諭御史臺臣曰古云不剛不柔剛則傷物柔則廢事嘗見貪

者執謙、貶為佞、廉者尚氣、增為激夫以中處剛、則不

激以正處柔、則不佞

戊午命省府臺部臣議練士

己未置西寧衛

辛酉諭儒臣詹同曰聲色伐性之斧斤前代敗者不少况創

業以為後世法倍宜戒也

江西商人坐阻鹽法論死工曰彼直貪耳無他心俱輸作

臨濠

壬戌夜伏羗縣南高山崩

甲子夜太陰犯心

乙丑貢士長山王璉淄川張鳳任敬棣州陳敏馬亮為翰林
編修監生蔣學方徵彭通宋善王惟吉鄒傑為給事中俱文
華堂肄業

庚午羅源盜起官軍討平之福州百戶王銘戰死

辛未監察御史馬貫為戶部侍郎

是月安南陳叔明上表謝罪請封使者言日暹以疾卒叔明
遜於野國人推事之上曰日暹卒國人當為服叔明且以
前王印視事俟能撫下順上更議之

成都衛指揮袁洪擊筠連州叛蠻屢敗之命所俘皆充戍

置綏德衛

二朔酉朔置烏思藏朵甘衛指揮司領宣慰司二元帥府一招

討司四萬戶府十三千戶所四

丁丑大雨雹

庚辰置洮州常陽十八族等處千戶所六百戶所九各族都
管十七並故元將吏

海賈回一獻番香阿剌吉阿剌吉即蕃蔽露上以導侈卻之

辛巳更置群牧監於滁州

壬午申禁教坊司及天下樂人以古帝王義士為優戲
丙戌番人寇隆德縣平涼衛指揮莊德等擊敗之
崇明縣潮溢賑之

丁亥夜月食

戊子群牧監改太僕寺秩如故應天鳳陽鎮江廬滁和等俱
牧江北便水草江北戶牧一馬江南十一戶牧一馬歲三牝
課駒一

增築國子學舍

役松江嘉興二萬人浚上海湖港及海鹽澉浦河

壬辰故元兵侵遼安殺知縣夏永平衛指揮楊戰死指

揮樊來援敵遁追戰董家口死之

興山縣盜起殺主簿范都督僉事王成調襄陽衛兵平之

乙未諭中書省曰有司科舉所進能以學問措行事者絕寡
虛文相冒自今罷之其察舉賢才先德行次文藝庶學者知
嚮焉

庚子禮部尚書陶凱刑部尚書吳雲為湖廣行省參政工部
侍郎王虎降蘓州知府刑部郎中顏希哲為戶部尚書
故元將脫木兒犯慶陽保安會寧延安衛兵擊走之

夜有大星自文昌流光燭地經紫微至句陳沒
是月故元副樞失刺罕等犯霞陽之槐安寨殺百戶朱龍指
揮楊政等追敗之故國公驢見復犯遼安永平衛千戶李
智追敗之

牛諒為禮部尚書

三朔卯朔日食

昭鑒錄成初禮部尚書陶凱主事張籌等劄稿秦府左傳文
原吉翰林編修王傑國子博士李叔元助教朱復秦府錄事
蔣子杰等續修工序之曰人雖至明不免過悞若覺前悞

脩德消愆子孫福也已不省改加之子孫囂囂不律好還有
日矣靖江王守謙跡父之惡雖未盡彰彷彿如之朕特命儒
臣撮歷代藩王事跡使自朝夕書編未成是子不悛今示吾
諸子朕自平禍亂以來憂懼萬千豈無前悞深懼積愆德薄
才疎不足補過熟察慎戒必我子孫

乙巳定設給事中十二人分六科

丙午秦府紀善荅祿與權國子學正鄭思先為監察御史

戊申夜熒惑犯填星

壬子命魏國公徐達為征下大將軍曹國公李文忠宋國公

馮勝為左右副將軍備山西北平諸邊
上曰國艱已久今
宜少休故往者召卿已復召還合聞胡人窺塞事不可已卿
等至邊圖上方略俾朕覽之

甲寅命德慶侯廖永忠督運東

乙卯蘓州知府魏觀為四川行省參政觀在部行賓飲聘名

士周南老王行徐用誠教授生徒貢穎之定儀節高啟王冕

張羽闡文學治行稱最雖遷任難其代仍還部

廣西衛卒伍昇使沂州受親故之饋衛官株逮親故三十四

人議罪 上曰親故慰勞恒也皆釋之

己未貢士趙唯一等三十四人並年少入國子監

甓臨濠皇城

甲子詔廣洋衛指揮於顯為總兵官橫海衛指揮使朱壽為

副總兵官出海巡倭

乙丑儒士趙倣錢宰貝瓊鄭濤馬勝全珉謝徽為國子助教

丙寅設四川行省織染賢泉雜造三局

己巳命榮陽侯鄭遇春仍守朔州

是月命翰林編脩張唯等省侍

四 壬申朔太僕寺丞梁楚先帖木兒言寧夏及四川西南至紅

城東北至塔灘相距八百里沃野通州宜重將鎮之招集流
亡務農屯田十一而稅兼行中鹽之法可軍民足食報之

談遷曰此經略寧夏之始

甲戌工部尚書黃肅刑部尚書高萬傑為廣西行省參政
運蘓州糧十二萬石航海赴北平

丙子羅山妖人王某謀亂捕斬之

己卯設戶部照磨二

故追封楚國公廖永安謚武愍蔡國公張德勝謚忠毅越國
公胡大海謚武莊梁國公趙德勝謚武桓高陽郡公耿再成

謚武壯永義侯桑世傑與光武封冠恂承義侯景丹奉義侯
同不重謚

何喬遠曰臣子之功君父所明從渡江之臣多矣獨廖俞

張桑胡耿趙七臣者高帝所首旌也以享太廟抑天下

將定竹破席捲易為力惟夫豪傑分土紛從戈戟矛矢中

求成事蓋論將草莽之初難哉難哉

命有司春秋祭元御史大夫福壽廟曰疾風草勅板蕩臣忠
所以勸也

癸未故元知院撒爾禮拜弟卜顏帖木兒等來朝

乙酉甘泉膚施去年七月電災免田租

丁亥置西平衛懷慶衛

戊子平陽孔克表為翰林脩撰兼編脩孔子五十五代孫

監察御史茹太素戴信何文鄭思先為四川按察司僉事

己丑命天下州郡繪山川險易物產以進

癸巳高麗入貢

戊戌禁中置御藥局俱內臣

辛丑命吏部訪求賢才諭曰山林之士豈無德行文藝足稱

者有司宜勸駕朕將任用之

兩浙鹽運司副使李泰為刑部侍郎太和知縣劉昭先為工

部侍郎

紫荆關蘆花山嶺各設守禦千戶所

五月寅朔御製祖訓成凡十三篇箴戒持守嚴祭祀謹出入慎

國政禮儀法律內令內官職制兵衛營繕供內序曰自古國

家建制立法皆在始受命之君夫其備嘗艱苦閱人多而歷

事孰比長深宮甚相遠也朕起孤貧委身行伍繼而收攬英

俊並驅群雄勞心焦思慮患防微近二十載乃能剪除強敵

統一海內人之情偽亦頗知之蓋自平武昌以來即與群臣

議定律令損益更改不計遍數茲復為祖訓一編開導後人
首尾六年七更乃定豈非難哉俗儒更古非今好更無文弄
法自昨博采衆長即與果斷莫就是書凡我子孫毋作聰明
亂我成法

癸卯作渡淮浮橋聯舟四十五艘

河南府訓導開濟為國子助教

定公侯以下家廟禮

成都衛指揮使袁洪等討平滕大寨蠻

親王儀仗車輅成

命省臺六部教屬吏經史時務年終考之

乙巳曹泰嗣宣寧侯曹良臣子

卿雲見

房州段文秀作亂衛國公鄧愈捕斬之

陽曲地震

己酉封丘縣蝗

夜有大星自天廟流至游氣中沒

庚申故元犯鳳翔徐達遣臨江侯陳德鞏昌侯郭子興擊之
甲子盜陷儋州官軍擊破之

乙丑作護駕先鋒銀牌千五百尋草之改守衛金牌
戊辰工部侍郎李敏為尚書

是月置西安前衛

江寧丹徒江陰無錫沐陽長洲嘉興諸暨蘭陽益都江夏並
雨雹

內使監典簿蘓有罪誅

六月朔未朔慶京師城

御用監改供奉司

丁丑五色雲見

壬午盱眙民進瑞麥御史谷祿與權請薦廟許之

乙酉浙江按察副使孫克義為刑部尚書

丁亥置華山秦川二衛於西安

戊子臨江侯陳德等至朔州元人遁

己丑戶部郎中呂應為尚書

廣州雨米膚黑人爭掃之至二三斗
昏刻有星自中台流游氣中沒

壬辰太白犯歲星

兵部郎中劉崧等為北平按察副使

元擴廓帖木兒遣兵犯鳳門關指揮吳均拒卻之
乙未裁各行省都鎮撫司

戊戌設叙州府四川

是月河間開封延安蝗汾州旱各免田租

諭京官迎養親屬量地給程費有不至者罪之

七月辛丑昨城縣旱免其稅

癸卯五色雲見

御史中丞陳寧兼領國子監事

丙午改典牧署曰典牧所正八品

和州旱免田租

大將軍魏國公徐達分遣左副將軍李文忠濟寧侯顧時南

雄侯趙庸穎川侯傅友德永城侯薛顯蓋昌侯郭子興臨江

侯陳德營陽侯楊璟都督僉事監王王弼率騎兵右副將軍

湯和南安侯俞通海永嘉侯朱亮祖宜春侯黃彬都督何文

輝平章李伯昇都督僉事張溫等率步兵分戍山西北平

戊申龍游縣江溢壞城舍

遣元臣盧道興北還招諭太尉伯顏不花為王保弟脫因

帖木兒所殺

己酉都督僉事葉昇等逐胡於懸聚洞煙斃之擒百五十餘人

置營造提舉司分司

叙州南溪縣大雨水

庚戌戶部尚書呂熙改吏部尚書安慶知府趙好德為戶部侍郎

辛亥倭寇即墨諸城萊陽濱海為擾詔各衛分逐之

壬子中書左丞胡惟庸為右丞相御史中丞陳寧為御史大夫

大將軍徐達自臨清率師赴北平

癸丑故元僉院脫火赤等亦朶甘來降

置儋州萬州守禦千戶所時儋州山盜捕斬二千二百七十餘人擒五百二十四人以除曠故戍之

故元兵犯山西白登縣大同衛兵擊擒八十七人

置山東樂安州及海豐慶雲縣

丙辰兵部尚書樂韶鳳為翰林侍講學士刑部尚書孫克義四川行省叅政劉仁俱為兵部尚書四川行省叅政劉惟謙為刑部尚書吏部尚書唐同為翰林承旨兼吏部尚書

陝西都鹽運使朱芾為山東行省參政

大將軍徐達兵自北平往山西

唐申大都督府經歷俞溥為戶部尚書

京倉糧四百八十三萬石臨濠倉九十二萬石

談遷曰國初營繕不已征討四出而積貯克物如此則冗

費絕而侵牟未開也

壬戌吏部尚書呂本為太常司卿

癸亥陽曲地震

常州呂城巡檢司執途人無引者送法司論罪其人急祖母

疾遠求醫不及縲上矜而釋之

談遷曰閩國初嚴馭夜無群飲村無宵行凡飲會口語細

故輒流戍即吾邑充伍四方至六千餘人誠使人凜、言

之至今心悸也

甲子蘓州民饑發粟貸之

丙寅台州舟倭師捕七十四人舡二艘

長興侯耿炳文拓西安城命中書省定其圖毋踰費俟來冬

築之

丁卯儒士桂彥良為太子正字

戶部侍郎陳則為大同府同知戒其母狗邊將

戊辰武靖衛指揮同知卜納刺卒元世祖子西平王奧魯赤五世孫襲武靖王來降授

秩至是命有司喪給葬世其職

己巳沅州衛指揮副使阿都兒等假出獵約故元岐王朵兒

只班犯河蘭二州西寧衛千戶祈者公孫哥等擊之斬知縣

滿答立等百餘人千戶倫達力戰死敵退

太子贊善大夫宋濂為翰林侍講學士知制誥仍兼贊善

是月北平河南山西山東蝗延安旱饑賑之

八月朔故元兵犯蔚州忻州指揮金第余觀禦劾之

辛未作釋奠孔子樂章

乙亥凡指揮戰沒賜公田

作陪祀官齋舍於班如

監察御史荅祿與權等請祀三皇下禮部言京城有廟宜隸

太常於是五帝三王及漢唐宋初帝俱廟京師致祭

丙子故元兵犯河州夜入玉門峽千戶王才戰死臨江侯陳

德擊敗之

丁丑遣陳寧釋奠太學右丞相胡惟庸誠意伯劉基叅政馮

冕等不陪祭而昨工曰儒臣不陪祭何以勸學停基冕月

倭

故元左丞忽都等屯天池山謀犯塞太原衛指揮使常守等
夜襲斬之

辛巳四川按察僉事鄭思先言重慶夔州水運成都甚艱乞
減鹽價募商輸粟代遠饋之若且重慶運糧貴州尤勞減鹽
價亦如之報可

吏定親屬相容隱律

癸未置德慶惠州肇慶南雄韶州陽江六千戶所

太原右衛千戶馮銘等復保德州河曲縣先元將普賢奴陷

之

臨江侯陳德鞏昌侯郭子興進兵荅剌海擊胡兵斬六百餘
級擒同僉興都等七百餘人

甲申夜月食

乙酉作歷代帝王廟於師殿五楹中奉伏羲神農黃帝左奉

金天高陽高辛堯舜右奉禹湯文又左奉武王漢光武唐太
宗又右奉漢高祖唐高祖宋太祖元世祖

丙戌夜有星青白色自雲中流游氣中沒

戊子衍聖公孔希學服闋來朝

己丑大同衛指揮王約夜襲元神仙寨破之執平章定定
唐寅攷五輅之制 上用木輅其一朱漆專祭祀一裹草專
行幸

辛卯大將軍徐達至朔州徙邊民於內地

定各府糧二十萬以上曰上府秩從三品二十萬以下曰中
府秩正品四十萬石以下曰下府秩從四品

丙申改信賢提舉司為信賢局

勅大將軍徐達等曰卿等與朕并定天下而瑄、殘胡不能
盡討孰任其咎朕為爾言今駐師處皆有家室一也肥馬輕

裘不知下人饑寒二也玩愒因循三也昔田單攻狄久之不

下魯仲連以為將軍有生之樂無死之心今殆類與

戊戌置開州 四川夔州府

占城國王阿答阿者入貢且言擊敗海寇獲舟二十艘蘓木
七萬斤 上厚賚之

是月華州臨潼咸陽渭南蝗免田租

九月亥朔置長壽縣 涪州 改開州為縣

庚子工部侍郎劉昭先為禮部尚書贊善大夫趙翥為工部
尚書

賑粟強饑民

詔畿內浙江江西輸綿布代今年秋租以給邊戍
主員翰林臣言日曆秘藏天府人不得見請如唐太宗貞觀
政要編集以傳許之纂修總裁官翰林學士承旨詹同侍講
學士宋濂催纂官侍講學士樂韶鳳纂脩官禮部員外郎吳
伯宗儒士朱右趙堦朱憲徐一夔孫作徐尊生騰錄官貢士
黃祖監生陳孟賜等
復置御用局 正七品
癸卯定散官資級京官滿歲考最進一階外官三歲考最進

一階

定文武官制誥之等

甲辰設榜午門外及省府臺門書戒飭之事

丁未初有司庶務月報或季報通上之頗繁碎至是裁月報
為季報季報為歲報因得專決天下使之

賜勲武臣公田

戊申作臨濠池河橋

己酉侍御史文原吉為秦府右相國子助教朱復為燕府參
軍

王傑為翰林待制

唐成禁駢辭先是翰林臣錄柳宗元代柳公綽謝表及韓愈
賀雨表可式上曰古人文章明道經世二典三護率明白
易知孔明出師表何嘗一費雕刻至今誦之激發人意文士
詞艱意近即過相如楊雄何裨耶自今臣民表章毋四六

壬子賑灤城寧晉饑

甲寅隆平縣省入柏鄉

乙卯上諭皇太子曰處事貴明處事貴斷更親賢樂善
以廣聰明逆己之言必求其善順己之言必審其非

丙辰工部奏各省鉄冶八百五十萬三千八百二十斤有奇

置沔陽衛

戊午太和鐘成

庚申夜歲星犯鬼宿

壬戌改臨濠府為中立府參政丁玉署府事

詔群臣朝服見皇太子去蔽膝及佩

十月辛未弘文館學士胡鉉致仕

癸酉中立行大都督府僉事莊齡王簡有罪齡盜官物宥死
徙家瓊州簡占營舍貫之俱論功

丙子徙山西弘蔚豐雲東勝定安武朔天城白登之民一千二百三十八戶於中立府蓋屢被寇掠也各官給車賜錢鹽布衣有差

辛巳暹羅斛國王女兄恭烈思禪入貢中宮卻之十一月再

留李文忠山西練兵其徐達馮勝冬盡還京

高麗國王王顓遣臣金甲雨貢馬五十匹甲雨至言逸馬二及馬至如數上怒其不誠卻之賜顓璽書一切浮薄者勿

遣

甲申夜太陰犯昴

庚寅真臘國王忽見那入貢暹羅斛國亦至

刑部尚書李儼改戶部尚書刑部主事陳璿為尚書

壬辰設內正司專糾內官失儀不法

癸巳中書參政馮冕署刑部尚書事

置北平醫泉局

甲午夜太陰犯角

乙未遣諭大將軍徐達等聞王保、求和、非其意、善備之

丙丁祠開平王常遇春於中立府

是月置西安後衛

十戌戌朔日申晝夜有大星自內階至文昌有光而沒已復見於西蕃至北斗沒

壬寅諭皇太子諸王曰用人之道當知奸良好奸良之知受事自見知良不用知奸不去誤之始也既知奸矣去復何難

所得悔惑多緣姑息

癸卯重慶守禦千戶所改重慶衛

戊申大雷電

己酉占城告安南之捷上諭省臣宜檄安南占城各罷兵

庚戌賜高苑縣丞王公懋綺帛各五匹以擒巨魁功

徙綏德慶陽之民於內地

壬子夜歲星退犯鬼宿

徐達還代縣聞王保、兵犯大同率李文忠馮勝往皇揣見

庄雪甚退屯鴈踏堡知彼千騎趨懷柔即遣三千騎擊敗之

立元世祖廟於北平歷代帝王廟於中立

甲寅汾州官言歲旱免民租仍秋稔請徵之 上曰此聚斂

之臣也不聽

丙辰定員丘燔柴禮

丁巳四川龍渠洞宣撫使墨吾什遣子來朝

己未潞州貢人參 上止其後進曰間參難得因謂省臣往
年金華貢香米朕止之開弘苑中觀其耘耔割穫亦足自適
太原歲進葡萄酒今亦止焉君以養民豈累人口腹哉

戶部尚書李儼仍刑部尚書

庚申改典禮司為典禮紀察司正六品

暹羅斛國入貢時國王參烈昭昆牙儒甚國人推其伯父參

烈寶昆牙思哩哆囉祿王國事故來告

甲子晉冀趙旣陽新河武邑饑命兵部尚書劉仁戶部主事

尚質賑之初旣陽知縣郭積見民食草實以狀聞報可各蠲

租

丙寅冬至 上不豫改郊期

丁卯更作大輅一象輅十中曾輅一

閏 十一月 陽曲地震

癸酉置足遠右衛

甲戌夜有星自八穀流五雲中天潢有小星隨之

壬午 上南郊

乙酉田儼程斗南張偉錢允恭招諭緬甸國不至而還緬甸
在滇西南元時最强通貢先是賈詔徃值安南占城構兵阻

道二年餘乃召還僅儼至餘道卒
唐貞刑部尚書劉惟謙詳定大明律篇自皆准於唐
上親
裁之頒天下

教莫曰至矣哉我朝之律可謂情與法並行而不悖者
也如十惡不原法也一議未減情也干名犯義者法也得
相容隱者情也自首免罪者情也猶追贓証者法也罪有
加者法也有減者情也有從重者法也有免科者情也凡
法之所在而不好息者義之盡也凡情之所在而必體悉
之者仁之至也此我朝所以忠厚垂紀而社稷靈長終

必賴之

壬辰故元四大王侵竒嵐州千戶唐誠吉禦卻之
夜太陰犯心

是月命攷古休沐假日禮部以唐六典假日工從之令百官
每月五日給假

十二月戊戌紹興知府唐鐸為刑部尚書詳牧監丞也先帖木兒為
工部侍郎

令郡縣止存大寺觀一併僧道居之禁女子為尼年出四十
上者聽

己亥立臨清倉貯餉轉運

壬寅六番招討使高英入貢置天全六番招討司從五品
癸卯故元兵侵撫寧瑞州詔徙撫寧瑞州之民廢瑞州

丙午立四川龍州

夜火星犯昴

甲寅雲陽榮山州萬州改曰縣又置并研資陽遷遠灌江丹
稜營昌永川蘆山縣廢羅江縣立九姓長官司屬永寧宣撫
乙卯思南宣慰司為思南道宣慰使司永順安撫司為永順
宣慰使司保靖軍民安撫司為保靖軍民宣慰使司秩三品

隸湖廣改貴州宣慰使司隸四川

夜有赤星自南河流至孤天沒

唐甲疏開封運河役二十五萬人

儒士朱右趙璫朱熹為翰林編脩孫作為太平府教授
三佛齊國王但麻來沙那阿者入貢

己丑暹羅斛國表賀明年正旦

丙寅高麗表賀明年正旦

西蕃土官朵兒只巴入貢

是歲資遣各衛軍士娶婦還鄉六千八百二十八

受... 年... 月... 日... 在... 年... 月... 日... 十... 八... 十... 八...

... 年... 月... 日... 在... 年... 月... 日... 十... 八... 十... 八...

... 年... 月... 日... 在... 年... 月... 日... 十... 八... 十... 八...

... 年... 月... 日... 在... 年... 月... 日... 十... 八... 十... 八...

... 年... 月... 日... 在... 年... 月... 日... 十... 八... 十... 八...



陸

陸